

MURDDHA WAKYA

Ōm Āwighnamāstu, Désa Tata Cara, Ōm Nama Shiwaya

Ōm Shri Pasupatastra, Ōm Āwighnamāstu Nama Swaha.

Makadi punika pangastawan tityang majeng ring Ida Sang Hyang Parama Wisésa dumogi sida ngamanggihin karahayuan tan kataman lara wighna maka buatan tityang sareng sami pinaka krama Désa Ādat Penarungan putusing panugrahan krama Désa Ādat Penarungan, makarya nyurat awig-awig désa ādat, désa tata cara, mawastu prasida kasidian tatujon tityang maka sami rauhing kapungkur wekas tur maka sami pada sumuyub miwah ngamanggehang makadi linging awig-awig.

Sembah bhakti miwah pangastawan krama majeng ring Paduka Bhatāra Bhatari sasuhunan sami, riantukan wantah malarapan panghyangning kalih pasuécān Ida Sang Hyang Widhi Wasa asung kretawarānugraha nresti jagat jangkep rauhing sadaging nyané sami, mawinan wénten kahuripan sekala niskala ring bhuwana agung miwah ring bhuwana alit.

Manūt dresta, désané kamanggehang dados pasayuban krama désa rauhing kulawarga pawongan nyané sami, mawastu raris désané kamanggehang pinaka pawakan bhuwana agung, pawongan nyané kamanggehang pinaka pawakan bhuwana alit.

Sotaning pawakan bhuwana agung, désané taler kamanggehang pinaka pawakan bhāwa

mahurip, sané kacirénin antuk wéntené pakilit Tri Hita Kârana sané tan dados pasahang, luihé:

Ha. Parhyangan, inggih punika: sahanan genah suci maka panyiwian désa, genah ngarcana prabhâwan Ida Sang Hyang Parama Wisésa, pinaka jiwa pramanan désané;

Na. Pawongan, inggih punika: krama rauhing warga désa maka sami sané pinaka pawakan Tri Kaya pinaka bâyü pramanan désané, mawinan désané prasida molah maprawreti;

Ca. Palemahan, inggih punika: sahananing pakarangan, tegal, carik, miwah sêtra sakakuwuban désa âdat, pinaka sthûla sariran désané.

Awig-awig puniki ngawit puput kapidarem nemoning rahina Sukra, Paing Ugu, tanggal, 28, bulan Agustus warsa, 1987, ring wantilan Pura Désa lan Puseh lan kaperipurnayang nemoning rahina Sukra wuku Warigadian tanggal, 17, bulan Maret warsa, 2017.

mahurip, sané kacirénin antuk wéntené pakilit Tri Hita Kàrana sané tan dados pasahang, luihé:

Ha. Parhyangan, inggih punika: sahanan genah suci maka panyiwian désa, genah ngarcana prabhâwan Ida Sang Hyang Parama Wisésa, pinaka jiwa pramanan désané;

Na. Pawongan, inggih punika: krama rauhing warga désa maka sami sané pinaka pawakan Tri Kaya pinaka bàyu pramanan désané, mawinan désané prasida molah maprawreti;

Ca. Palemahan, inggih punika: sahananing pakarangan, tegal, carik, miwah sétra sakakuwuban désa ādat, pinaka sthùla sariran désané.

Awig-awig puniki ngawit puput kapidareman nemoning rahina Sukra, Paing Ugu, tanggal, 28, bulan Agustus warsa, 1987, ring wantilan Pura Désa lan Puseh lan kaparipurnayang nemoning rahina Sukra wuku Warigadian tanggal, 17, bulan Maret warsa, 2017.

KASUKSMAN NIASA DÉSA ĀDAT



Arti lambang Désa Ādat Penarungan:

Lambang Désa Ādat Penarungan sakadi cakra madaging gambar sané kapipil daging nyané minakadi ngamanggehang asal usul lan kauripan sané wénten ring Désa Ādat Penarungan, inggih punika:

Ha. Cakra Pürwaning Windu:

Pinaka pemuteran pidabdab désa pakraman.

Na. Tlaga (Arungan):

Tegesnya nelebang antuk kasuksman sajeroning ngupapira kauripan i krama désa ādat.

Ca. Toya sané paklencok:

Pinaka sukadukaning sané pacang kapangguh sajeroning ngupapira kauripan.

Ra. Aksara om:

Lambang Ida Sanghyang Widhi Wasa utawi parhyangan.

Padma Anglayang:

Pinaka lambang palemahan désa pakraman.

Sané kaemban antuk Asta Dala :

Maka cihna kaempon antuk kutus banjar ādat (pawongan).

Ka. Tunjung sané maedon lelima:

Pinaka lambang désané wantah wit kadasarin antuk Panca Sradha lan

Pancasila miwah UUD 1945, minakadi pamikukuh.

Da. Padi lan kapas :

Pinaka lambang gemah ripah loh jinawi..

BANTANG AWIG-AWIG DÉSA ĀDAT

Murddha Wakya.....1

Kasuksman Niasa Désa Ādat.....3

Bantang Awig-Awig Désa Ādat.....5

Sarga Pertama:

Aran Lan Wawidangan Désa.....8

Sarga Kalih:

Pamikukuh Lan Patitis.....10

Sarga Tiga:

Sukerta Tata Āgama / Parhyangan.

Palet 1 Indik Déwa Yadnya.....12

Palet 2 Indik Pitra Yadnya.....19

Palet 3 Indik Butha Yadnya.....25

Palet 4 Indik Manusa Yadnya.....29

Palet 5 Indik Resi Yadnya.....30

Sarga Pat:

Sukerta Tata Pawongan.

Palet	1	Indik Krama.....	32
Palet	2	Pamucuk Désa.....	44
Palet	3	Indik Kulkul.....	54
Palet	4	Indik Paruman.....	56
Palet	5	Indik Padruwén Désa.....	58
Palet	6	Indik Penyanggran Banjar.....	63
Palet	7	Indik Pawiwahan.....	64
Palet	8	Indik Santana.....	68
Palet	9	Indik Nyapian.....	71
Palet	10	Indik Warisan.....	74

Sarga Lima:

Sukerta Tata Palemahan.

Palet	1	Karang, Tegal, Lan Carik.....	79
Palet	2	Sétra.....	82
Palet	3	Papayonan.....	83
Palet	4	Wawangunan.....	85

Palet	5	Wawalungan.....	86
Palet	6	Karesikan Désa Ādat.....	88

Sarga Nem:

Wicara, Bhaya, Dusta, Lan Pamidanda.

Palet	1	Indik Wicara.....	89
Palet	2	Indik Bhaya Lan Dusta.....	91
Palet	3	Indik Pamidanda.....	94

Sarga Pitu:

Nguwah Nguwuhin Awig-Awig.....	97
--------------------------------	----

Sarga Kutus:

Samapta.....	98
--------------	----

Lepihan.....	105
--------------	-----

SARGA PERTAMA, ARAN LAN WEWIDANGAN DÉSA

Pawos 1

1. Désa ādat puniki mawasta Désa Ādat Penarungan.
2. Jimbar kakuwub wawidangan nyané mawates nyatur:
 - Ha. Sisi wetan / kangin ring Désa Ādat Cemenggon, lan Subak Guming.
 - Na. Sisi kulon / kauh ring carik Subak Penarungan, Tukad Yéh Penet.
 - Ca. Sisi lor / utara ring Désa Ādat Abiansemal.
 - Ra. Sisi kidul / kelod ring carik Subak Penarungan.
3. Désa puniki kawangun antuk karang désa utawi gebogan krama, turmaning kepah dados kutus babanjaran, utawi sinanggeh banjar ādat, luiré;
 - Ha. Banjar Ādat Umahanyar
 - Na. Banjar Ādat Guming
 - Ca. Banjar Ādat Dangin Peken
 - Ra. Banjar Ādat Dauh Peken

Ka. Banjar Adat Dajan Peken

Da. Banjar Adat Bangkiang Sidem

Sa. Banjar Adat Sengguan

Wa. Banjar Adat Blungbang

Ka. Banjar Ādat Dajan Peken

Da. Banjar Ādat Bangkiang Sidem

Sa. Banjar Ādat Sengguan

Wa. Banjar Ādat Blungbang

SARGA KALIH, PAMIKUKUH LAN PATITIS

Pawos 2

1. Désa ādat Penarungan ngamanggehang pamikukuh makadi ring sor:

Ha. Pancasila;

Na. Undang Undang Dasar 1945;

Ca. Tri Hita Karana manūt sadacara Āgama Hindu;

Ra. Hak asasi manusia utawi HAM;

Ka. Uger-uger saking Guru Wisésa indik désa ādat;

Pawos 3

1. Luwir patitis Désa Ādat Penarungan:

Ha. Mikukuhin miwah ngarajegang Sang Hyang Āgama Hindu;

Na. Ngutamayang / nginggilang tata prawertiné mĀgama;

Ca. Ngajegang kasukertan désa saha pawongannya sekala lan niskala;

Ra. Ngajegang kasukertan druwén désa;

Ka. Ngajegang tata pengakaraning pawongan pemekas sané ngiket
pakulawarga.

SARGA TIGA, SUKERTA TATA ĀGAMA / PARHYANGAN

Palet 1

Indik Déwa Yadnya

Pawos 4

1. Palinggih panyiwian désa ring wawidangan Désa Ādat Penarungan luihé:
 - Ha. Kahyangan Tiga: Pura Désa / Balé Agung, Pura Puseh, Pura Dalem;
 - Na. Pura Prajapati;
 - Ca. Pura Melanting;
 - Ra. Pura Gunung Sari;
 - Ka. Pelinggih Durgamaya / Pesimpangan Dalem Péd.
2. Rahina piodalan soang-soang kahyangan inucap, kadi ring sor:
 - Ha. Pura Désa / Balé Agung, ri kala Buda Kliwon Pahang;
 - Na. Pura Puseh, ri kala Buda Kliwon Pahang;

- Ca. Pura Dalem lan Pura Prajapati ri kala Purnama Kadasa;
 Ra. Pura Melanting Désa / Pasar, Pura Gunung Sari, Pura Pesimpangan
 Dalem Péd, ri kala Buda Wagé Menail.
3. Pangaci ring pura inucap manùt kecap sastra āgama, saha kalaksanayang nista,
 madya, utama manùt kawéntenan lan pararem;
4. Pangempon soang-soang pura manùt dresta kadi ring sor:
- Ha. Kahyangan Tiga: Pura Désa / Balé Agung, Pura Puseh, Pura Dalem;
 Na. Pura Prajapati;
 Ca. Pura Melanting;
 Ra. Pura Gunung Sari;
 Ka. Pesimpangan Dalem Péd / Durgamaya.
5. Pura kahyangan désa sané menggah ring ajeng punika kaempon antuk krama
 Désa Ādat Penarungan sané kaepah dados limang pemetang dasan luih ipun:
- Ha. Banjar Ādat Bangkiah Sidem lan Banjar Ādat Dajan Peken
 Na. Banjar Ādat Dauh Peken lan Banjar Ādat Dangin Peken
 Ca. Banjar Ādat Guming lan Banjar Ādat Umahanyar
 Ra. Banjar Ādat Sengguan

Ka. Banjar Ādat Blungbang

Pawos 5

1. Ring soang-soang pura inucap kawéntenang pemangku;
2. Ngadegang pemangku manùt dudonan:
 - Ha. Nyanjan utawi masemurang, soang-soang mapiteges mapinunas ring
ajeng panataran utawi ring Pura Désa manawi ring balian sonténg,
lan sapanunggilan ipun;
 - Na. Turunan utawi ngawaris;
 - Ca. Kacatri, kapilih, katunjuk olih krama désa yéning sampun mayusa
setimān (45) warsa ngantos pitung dasa (70) warsa kantun waras
(séhat jasmani rohani);
3. Tan kawenang kanggén pemangku luiré:
 - Ha. Ceda angga luiré pécéng, pérot, cungh lan sapanunggilan ipun;
 - Na. Sang sapisira ugi sané tan kapatutang manùt pararem;
 - Ca. Sakit ila, ayan, buduh, wiadin édan;
 - Ra. Sané madruwé kasucian urip tan becik;
4. Prabéa kapemangkuan:
 - Ha. Madiksa Widhi minakadi mawinten kamedalin saha kalaksanayang
antuk sang

- ngadegang makadi krama désa utawi pangempon pura soang-soang;
- Na. Yéning wénten sinalih tunggil pemangku kahyangan désa kelayuan sekar (padem) sami prabéa kawengku antuk krama désa ngantos nglinggihang Déwa Hyang;
- Ca. Pekaryan Pitra Yadnya punika kalaksanayang olih banjar, ring genah pemangku punika mekrama banjar;
- Ra. Mungguing sor singgih upakara manùt pararem.
5. Pemangku patut ngamanggehang sasananing pemangku, luihé tan wenang ajejudén miwah sané siosan.

Pawos 6

1. Swadarmaning pemangku luihé:

- Ha. Ngénterang upacara piodalan ring kahyangan utawi ring soang-soang pakubon krama;
- Na. Tan wenang salab sulub, yan mamurug wenang pemangku inucap nyepuhin raga;
- Ca. Pradé silih sinunggil pemangku kapialang utawi cuntaka, kéngin nyelang pemangku siosan utawi nuwur sang sulinggih;
- Ra. Samalih yan sampun pemangku ngayah tigang (3) rahina ring pura,

kancit wénten kulawarganya padem / lina, pemangku inucap tan keneng
cuntaka, sakéwanten pemangku tan budal selami piodalan.

2. Petias utawi olih-olihan pemangku luiré:

- Ha. Panyolasan miwah sarin canang pah-pahan ipun manût Déwa Tatwa
utawi pararem;
- Na. Upon pelaba carik utawi tegal manût pararem;
- Ca. Luput pakaryan lan rarampen / raramon, padagingan keni kadi patut;
- Ra. Manût ring dresta sané sampun mamargi, para pemangku taler polih
saking pelaba pura nyabran panén;
- Ka. Tiosan sekadi ring ajeng taler polih prabéa upakara nyabran sasih
utawi bulan kalénder manût pararem.

Pawos 7

1. Pemangku kagentosin riantukan:

- Ha. Séda utawi lina;
- Na. Pinunas ngraga manawi kageringan lan sapanunggilan ipun;
- Ca. Kawusan antuk krama manawi malaksana sané tan patut (asta dusta).

2. Pradé pemangku kawusang sangkaning malaksana asta dusta, keni pamidanda manùt pararem.

Pawos 8

Kasukertan kahyangan ring désa:

1. Sané nénten kalugra ngranjing kapura luihé:

Ha. Sang katiban cuntaka, makadi sebel raga:

- 1). Sebel kandel, ngraja séwala, selami dérèng mabersih;
- 2). Sebel sangkaning madruwé putra, sané lanang roras (12) rahina lan istri sajeroning petang dasa kalih (42) rahina (abulan pitung dina) ngawit saking putrané embas, utawi ngantos sampun kaupakara mekambuhan tur maprayascita manùt āgama;
- 3). Sebel panganténan, sadurung mabiakala;
- 4). Sebel sangkaning kalayu sekaran utawi wénten kapademan manùt sengker.

Na. Sang patita utawi panak babinjat;

Ca. Makta sahananing sané kasinanggeh ngaletchin;

Ra. Wawalungan suku pat, sajawaning ri kala mapepada;

Ka. Mabusana sané tan manùt kadi tata caraning ngranjing kapura;

- Da. Anak alit sadurung mayusa tigang (3) sasih;
- Ta. Sadurung polih wak-wakan (pituduh) prajuru désa ādat / pakraman;
2. Busana ngranjing kapura wenang nganutin dresta minakadi:
- Ha. Ritatkala ngaturang ayah, mawastra lan nyalémpot;
- Na. Ritatkala ngaturang sembah, mabusana jangkep;
- Ca. Siosan kadi ring ajeng nénten kalugra, sajawaning sampun pituduh prajuru.
3. Parilaksana tan kawenangan ring pura, luihé:
- Ha. Masuara sané kasinanggeh wak purusya, wak capala;
- Na. Makoratan / mabacin, mawarih, masanggama;
- Ca. Masumpah utawi macoran sajawaning pituduh prajuru désa;
- Ra. Ngias raga sajawaning sulinggih miwah pandita;
- Ka. Munggah tedun ring palinggih sajawaning pituduh prajuru désa.
4. Sang mamurug kadi kecapé ring ajeng, keni pamidanda pamrayascita sapatutnya.

Pawos 9

1. Yan wénten jadma utawi pemangku karauhan ring pura, kéngin kapintonin pradé rumasa kasumangsayan, kasaksian léh krama désa nanging tan kapitulang naler tan keayahin.

2. Pradé kahyangan kahanan dhurmanggala, minakadi kapanca bhaya, pemangku patut digelis nyadokang ring prajuru mangda marumang krama désa tur ngawéntenang upacara sapatutnya;

Palet 2

Indik Pitra Yadnya

Pawos 10

Dudonan pamargin Pitra Yadnya.

1. Pangupakaran sang padem utawi séda:

Ha. Antuk mendem utawi ngeseng, makacihna pakingsan ring ibu
pertiwi utawi ring Bhatara Brahma, salami nutupang prabéa;

Na. Atiwa-tiwa (upacara pangabénan / palebon).

2. Upakara upacara Pitra Yadnya ri wusan kabénang mawastu munggah daun bingin (ngroras) ri sampuné punika wau kamargiang nglinggihang Déwa Hyang (Bhatara Bhatari);

3. Krémasi tan kadadosan sajabaning:

Ha. Silih sinunggil krama désa ādat pradé kelayuan sekar

- kepatutan ngabén ring sétra ādat Penarungan;
- Na. Krama désa meganah ring tios wewidangan jagat Bali;
- Ca. Krama banjar inucap ngamargiang pasuka dukan perarem banjar
manùt dresta;
- Ra. Krama désa sané lampus tanpa sawa.

Pawos 11

Swadharma lan tategenan krama pradé wénten sinalih tunggil warga padem utawi séda:

1. Sang kaduhkitan patut:

- Ha. Nyadokang ring prajuru ādat tur nunas tatimbang ring kawéntenan
pamargin nyané;
- Na. Ngaturin krama banjar mangda ngarombo makarya étéh-étéh sawa
kadulurin panyembrama canang sakasidan antuk;

2. Swadarmaning banjar / désa:

- Ha. Kelian banjar maritatas pamargin sang kaduhkitan, napi pacang
kapendem, makingsan riin utawi lantur kabénang;
- Na. Pradé kapendem, raris kawéntenang kulkul patahu olih kelian banjar
utawi patajuh nyané;
- Ca. Panyanggran banjar salanturnya:
- 1). Soang-soang krama banjar nedunin patus manùt dresta;

- 2). Ngarombo ngaryanin étéh-étéh sawa saha kasarengin antuk krama, miwah sang sané rauh;
 - 3). Sami krama banjar nganter ka sétra jantos pamendemané utawi pengabénan puput;
 - 4). Tan kéngin malelet langkungan ring pitung (7) rahina,
 - 5). Salantur ipun patut polih pagebagan manùt paétangan kelian patus / banjar;
 - 6). Tan kalugra, nginepang bang-bang utawi pamuwunan;
3. Pradé wénten lina, ri kala piodalan, kéngin mendem tan pasadok tur mamargi sandi kaon utawi ke sétra siosan (sétra pakingsan);

Pawos 12

1. Sané kasinanggeh kacuntakan sekadi ring sor:
 - Ha. Cuntaka sangkaning kalayu sekaran / padem;
 - Na. Cuntaka sangkaning ngraja séwala;
 - Ca. Cuntaka sangkaning ngembasang putra;
 - Ra. Cuntaka sangkaning karuron;
 - Ka. Cuntaka sangkaning pawiwahan;

- Da. Cuntaka sangkaning gamia gamana;
- Ta. Cuntaka sangkaning salah timpal;
- Sa. Cuntaka pradé wénten anak istri mobot nénten kaupakara
pabiakaonan, tur pawidhi widhana;
- Wa. Cuntaka sangkaning mamitra ngalang;
- La. Cuntaka sangkaning wénten anak istri ngawéntenang putra sadurung
maupakara, pabiakaonan, tur pawidhi widhana;
2. Sengker cuntaka manùt kawéntenannya:
- Ha. Cuntaka kalayu sekaran, cuntakania kantos masapuh sapuh manùt
dresta;
- Na. Cuntaka ngraja séwala, tigang rahina ngawit saking ngraja séwala
utawi salamining ngraja séwala;
- Ca. Cuntaka ngembasang putra, petang dasa kalih (42) rahina (abulan
pitung dina) ngawit saking putrané embas, utawi ngantos sampun
kaupakara makambuhan tur maprayascita manùt āgama, lanang
wiadin istri;
- Ra. Cuntaka sangkaning karuron abulan pitung dina (petang dasa kalih
(42) rahina) tur sampun maprayascita;
- Ka. Cuntaka sangkaning pawiwahan, cuntakania ngantos sasampun
kamargiang pabiakaonan matanjung sambuk;

- Da. Cuntaka sangkaning gamia gamana, cuntakania ngantos sasampuné ka palasang / masapihan tur sampun kawéntenang pamrayascita raga miwah pamrayascita désa ādat / pakraman lan kahyangan;
- Ta. Cuntaka sangkaning salah timpal kapuputang sakadi ring Āgama Hindu tur dresta miwah ādat sané manggeh;
- Sa. Cuntaka sangkaning anak istri mobot nénten madasar antuk ngamargiang upacara pabiakaonan, cuntakania ngantos kawéntenang upacara pabiakaonan;
- Wa. Cuntaka sangkaning mamitra ngalang cuntakania ngantos kawéntenang pamargi parabian lan kamargiang upacara pabiakaonan;
- La. Ngembasang putra nénten kawéntenang upacara pawidhi widhana, cuntaka ngantos wénten putrané mameras sang putra, tur sampun kawéntenang upacara manūt sastra Āgama Hindu;
3. Cuntaka sangkaning kalayuan sekar utawi sangkaning padem.
- Ha. Mapendem cuntaka nyané:
- 1). Cuntaka / sebel banjar rauhing tigang (3) rahina ri wusan mendem utawi sasampun polih prayascita (masapuh-sapuh);
 - 2). Keluarga ngarep sajeroning pakarangan ngantos roras rahina.

Na. Atiwa-tiwa utawi ngabén cuntakania:

1). Sang nyambut karya Pitra Yadnya cuntakania ngawit saking
ngarancang karya rauh riwus yadnyanya (mapegat).

4. Tan keneng cuntaka luihé:

Ha. Sulinggih lan pemangku Kahyangan Tiga utawi pemangku
pemaksan rikala piodalan;

Pawos 13

1. Atiwa-tiwa (pangabénan) kamargiang antuk:

Ha. Nyawa resi utawi nénten ngupapira sawa, santukan tan ngagah utawi
manawi sawa tan kakeniang;

Na. Sawa pratéka.

2. Panemaya pangabénan wénten kalih pawos:

Ha. Ngabén dadakan (bah bangun), kadadosang sajeroning banjar;

Na. Ngabén ngamasa.

3. Dudonan pangabénan ngawit saking ngagah (lina), ngeseng ngantos pangiriman
utawi nganyut.

Pawos 14

1. Papatusan pangabénan wénten kalih pawos:

Ha. Ngabén lan mekingsan tan kedadosang yéning wénten pujawali ring
pura kahyangan désa.

Na. Ngabén ngamasa patus nyané manùt dresta miwah pararem banjar
soang-soang;

Ca. Ngabén dadakan, patus nyané patih sakadi patus padem mapendem
lan kanutang ring dresta soang-soang;

2. Panginguné ring krama banjar ngawit ngayah lan abot dangan kawéntenan
karya kanutin ring dresta;

3. Upacara Pitra Yadnya sajangkep nyané kamargiang mabantang antuk awig-
awig désa ādat lan panglaksanaan nyané kamanggehang tur kamargiang manùt
drestan banjar soang-soang.

Palet 3

Indik Bhuta Yadnya

Pawos 15

1. Bhuta yadnya inggih punika upakara upacara biakala ring pratiwi lan

kahyangan, sarwa prani lan upakara upacara ring bhuta kala;

2. Upacara pabiakala ring sarwa prani luié:

Ha. Ring sarwa tumuwuh kamargiang rikala Tumpek Pangatag

(Saniscara Kliwon Wariga);

Na. Ring sarwa ingon-ingon rikala Tumpek Kandang (Saniscara Kliwon

Uyé);

Ca. Upacara pakala kalan manusa manùt wiguna kabaos pabiakala;

3. Upacara pabiakala ring pertiwi, kahyangan lan babutan kawastanin macaru;

4. Pacarwan inucap ring ajeng nista, madya, utama manùt wiguna kadi ring sor:

Ha. Ékasata;

Na. Pancasata;

Ca. Panca Sanak;

Ra. Panca Kelud;

Ka. Resi Gana;

Da. Caru Sasih;

Ta. Tawur Agung;

Sa. Balik sumpah;

Wa. Panca Walikrama;

La. Eka Dasa Rudra.

5. Sajawaning kadi ring ajeng taler kawéntenang upacara:

Ha. Majot-jotan utawi yadnya sésa nyabran sasampun wusan
maratengan;

Na. Masapuh sapuh ri kala pacang wali ring pura;

- 1). Caru sasih kelaksanayang nyabran sasih ngawit sasih kalima
ngantos sasih kesanga;
- 2). Ring sasih kalima wusan mecaru wenginé petapakan Ida Bhatara
sané wénten ring pemaksan kairing ngunya désa;
- 3). Nangken sasih kesanga pangelong ping roras Ida Bhatara lan
Petapakan sami lunga ke Balé Agung;
- 4). Ri sampuné napak sami melinggih ring Balé Agung selantur
nyané mapidabdab jagi kairing lunga ka segara (melasti /
mekiyis);
- 5). Nangken tilem kasanga kawéntenang tawur kasanga, katah
kabaos ngrupuk, makacihna pacang mapag rahina panyepian
bénjangné.

1. Upacara tawur kesanga sekadi ring sor:

Ha. Pacaruan manut genah makadi:

- Ring soang-soang banjar sanistané Caru Eka Sata;
- Ring lebu soang-soang krama masegeh agung
manut arah arahan;

- Tawur kesanga kamargiang ring catus pata;
- Ring natar Balé Agung lan ring sêtra Pura Dalem kalaksanayang taler caru (manût pararem).

Na. Upacara pangrupukan kalaksanayang rahina tilem punika, tan kéngin langkung ring tengah wengi, riantukan dauh inucap maka panampih rahina bénjangané, inggih punika sampun rahina panyepian.

2. Upacara panyepian sasampun kamargiang pangrupukan bénjang nyané patut kamargiang catur brata panyepian, luih ipun:

Ha. Amati geni: tan kéngin ma api-api, sajawanin:

- Sang madruwé raré dérèng tigang sasih, ring genah raré inucap;
- Sang matepetin ring genah anak sungkan;
- Sang nuénang layon ring genah sawa.

Na. Amati karya: tan kéngin nyambut karya;

Ca. Amati lalangan: tan kéngin maoneng-onengan, masuara ghora, maklecan, lan sapanunggilan ipun;

Ra. Amati lelungan: tan kéngin malancaran merika meriki.

3. Pabratan inucap kamargiang saking semeng ngantos semeng bénjang nyané.

4. Sang mamurug kecaping ajeng keni pamidanda manut pararem ring banjar / témpék soang-soang sané kamargiang antuk patilik désa (pecalang désa);
5. Riwus rahina nyepi (bénjangné) makacihna pangawit Icaka Warsa Anyar, patut soang-soang warga désa sami saling ngaksama (Dharma Santhi).

Palet 4

Indik Manusa Yadnya

Pawos 16

1. Manusa yadnya inggih punika upakara upacara, dharmaning manusa, ngawit saking kamargiang dharmaning mapawarangan ngantos kamargiang upacara pawintenan;
2. Upacara kadi ring ajeng madudonan sakadi ring sor:
 - Ha. Magedong-gedongan kamargiang risampun bobotané mayusa nem (6) sasih;
 - Na. Duk raré medal utawi embas (lekad raré);
 - Ca. Kepus udel;
 - Ra. Roras (12) rahina;

- Ka. Tutug akambuhan (petang dasa kalih (42) rahina);
 - Da. Tigang (3) sasih;
 - Ta. Pawetuan / otonan (nem (6) sasih);
 - Sa. Tutug kelih (ngraja wadana, ngembakin lanangé);
 - Wa. Matatah / mapandes;
 - La. Mawiwaha;
 - Ma. Mawinten;
3. Upakara upacara inucap nista, madya, utama manut sastra āgama saha catur dresta, maka buatan désa dresta, ngawinang sima cara désa;

Palet 5

Indik Resi Yadnya

Pawos 17

1. Sang pacang madeg sulinggih, pandita, utawi pinandita pinaka sang sadaka, balian sonténg, kubayan, saluiré jagi ngénterang yadnya patut masadok ring prajuru désa, kalih Parisadha Hindu Dharma;
2. Prajuru désa patut niténin tur wenang ngalangin pradé wénten kacihna lémpas ring

kakecap miwah drestane, tur sareng nyaksinin upacara saha nyobyahang ring paruman désa tegap rauhing wates kawenangan pangénter yadnya.

3. Krama désa patut ngaturang ayah sapamadeg miwah ring panglepasan sang sulinggih riwekas sané katuntun antuk prajuru;

Pawos 18

1. Sang sulinggih patut ngariinan ngayomin pamargin upacara ring wawidangan jagat panarungan sasampun punika wau muputang yadnya kajebar jagat tiosan utawi kadura désa;
2. Krama désa sareng niténin katuntun antuk prajuru, mangda sahanan yadnya sané kamargiang kaicén pamuput olih sulinggih, pandita, utawi pinandita manut kawenangania soang-soang;

Penarungan;

- Ca. Tamiu, inggih punika kulawarga sané mågama Hindu utawi nénten mågama Hindu, jenek ring wawidangan Désa Ādat Penarungan, lan wantah sareng nyungkemin ring pawongan lan palemahan désa ādat kewannten.

Pawos 20

Krama Désa Ādat Penarungan, wénten petang soroh:

1. Krama wedan, krama sané sampun jumenek tur madésa ādat wit saking kaluhuranya;
2. Krama ngarep, inggih punika kulawarga sané malarapan wed utawi pangrauh saking warga désa siosan saha ajeg pawiwahanya.
3. Krama tan ngarep, luihé:
 - Ha. Silih tunggil kulawarga sané tan ngarep ring désa kemawon, ring banjar kantun ngarep;
 - Na. Krama paron, krama saking dura désa sané sampun masadok ring prajuru banjar lan désa, lan sampun madruwé tanah karang pumahan, tur sampun jenek ngawit nem (6) sasih nyantos dasa (10) warsa;
 - Ca. Krama panyadé, krama sané mawiwit saking Désa Ādat Penarungan sané sampun matilar dados krama ādat désa ādat siosan, nanging waris ipun

kantun ring Désa Ādat Penarungan, turmaning mawali malih dados
krama Désa Ādat Penarungan;

Ra. Krama pangelé, inggih punika krama Désa Ādat Penarungan utawi
krama saking dura désa, sané wénten pakilitan ring krama wedan lan
jumenek ring krama wedan;

Ka. Krama daha taruna, inggih punika krama sané mayusa molas (15)
nyatos sasur (35) warsa sané durung marabian;

Da. Krama datu, krama sané mayusa lintangan ring petang dasa (40)
warsa tur nénten naenin ngamargiang kramaning alaki rabi nyantos
lampus.

4. Krama balu, inggih punika krama sané katinggalin sangkaning sané istri utawi
sané lanang padem, utawi sangkaning nyapihan. Krama balu kepah dados
petang soroh:

Ha. Balu makrambian: balu sané sampun madruwé pianak cucu durung
marabian.

Na. Balu ngempu: balu sané madruwé pianak kantun alit.

Ca. Balu ngatung: balu sané nénten madruwé utawi santana.

Ra. Balu ngelisting: balu sané nénten madruwé pianak, hārta warisan, lan
sameton.

Pawos 21

Tata caraning ngranjing dados krama désa:

1. Ngawit dados krama désa, inggih punika:

Ha. Sangkaning ngamong karang désa;

Na. Mawiwit pawiwahan.

2. Panemaya tedun makrama désa:

Ha. Nyabran sasih saha majalaran antuk tatengeran arep ring krama sané ngamong ayahan désa;

Na. Asasih mawiwit pawiwahan;

Ca. Marep ring krama désa sané mawit saking ngarangin, kasulurang manut pararem.

3. Sang saking séwosan désa yéning sareng tedun makrama désa ring désa adat patut keni pecingkrem, sané ageng nyané kasulurang manut pararem;

4. Yan wénten krama saking séwosan désa sareng ngranjing makrama désa ring Désa Adat Penarungan patut kadulurin antuk likita saking désa wed nyané, sané tegap lan jangkep.

Tata caraning ngranjing dados tamiu:

1. Masadok ring kelian banjar manùt ring pikamkam kadinasan.
2. Naur prabéa manùt pararem banjar / désa ādat.

Pawos 22

Tategenan miwah swadarma krama désa ādat, luiré:

1. Tategenan krama, luiré:

Ha. Krama ngarep, keni urunan miwah ayahan mamungkul;

Na. Krama balu, keni ayah manùt kaonganya:

- 1). Balu ngelisting, lanang utawi istri keni ayahan lanang utawi istri;
- 2). Balu makrambian, lanang utawi istri sané madruwé santana lanang utawi istri sampun mayusa pitulas (17) warsa, keni ayahan balu;
- 3). Balu nyapian, keni ayah manùt arah arahan banjar / désa ādat / pakraman, yéning balu lanang ayah lanang, balu istri ayah istri, lan yéning nanggap karang désa keni papeson sawungkul.

Ca. Krama pangelé, keni ayah-ayahan sakadi mararesik ring Kahyangan Tiga, banjar, lan sané tiosan manùt ring kawigunan.

2. Krama désa ādat kadadosang:

Ha. Mapuankid utawi tan tedun ngayah, luiré:

Ritatkala mapawangunan / nasarin, ngerebin sanggah, piasan,
balé daja, balé dangin, balé dauh, balé delod, jineng, miwah
pawon;

- 1). Ritatkala mayadnya (minakadi panca yadnya), mapasaksi,
kicalan putra, sakit, lan patirtan;
- 2). Maluasan utawi ngaluang;
- 3). Matepetin lan siosan, matepetin selami asasih;
- 4). Mapuankid sakit nénten dados medal, yéning sampun arahina
kénak (seger) mangda masadok ring prajuru.

Na. Nyada (nyadok) mapiteges wusan ngayah, ri sampun mayusa enem
dasa lima (65) warsa utawi lintang;

Ca. Mogpog, ngetut ayah saha papeson antuk brana, manut pararem,
majeng ring krama désa sané magenah ring tiosan désa ādat;

Ra. Panyeledihi nyadé wiadin nyuksukin ayah ri sampun mayusa pitulas
(17) warsa.

3. Swadharmaning krama ādat, luiré:

Ha. Satinut ring sadaging awig-awig, pararem, lan pasuara désa ādat;

Na. Tan maren sareng mautsaha, mangda désané prasida nyujur patitis
ring ajeng;

- Ca. Sayaga sareng natakin panes tis kértiasan désa ādat;
Ra. Keni paturunan, peson-peson lan ayahan mamungkul.
4. Swadharmaning krama tamu, inggih punika:
- Ha. Satinut ring tatiwak désa ādat ngeninin indik **ngupadi** kasukertan
désa ādat ring sekala niskala;
Na. Tan kéngin nungkasin kértiasan désa ādat;
Ca. Patut masadok ring kelian banjar ritatkala narima tamu nyantos
lintang ring pat likur (24) jam;
Ra. Ngaturang punia lan ayah ring parhyangan manut kabuatan.
5. Swadharmaning tamu, inggih punika:
- Ha. Satinut ring tatiwak désa ādat ngeninin indik pawongan lan
palemahan;
Na. Tan kéngin nungkasin kértiasan désa ādat;
Ca. Patut masadok ring kelian banjar ritatkala narima tamu nyantos
lintangan ring pat likur (24) jam;
Ra. Keni punia manut pararem.

Pawos 23

Kapatutan krama lan tamu:

1. Kapatutan krama ādat, sakadi ring sor:

Ha. Polih pasayuban saking désa;

Na. Polih kasukertan miwah kasucian déwék, parhyangan, miwah karang nyané;

Ca. Polih kasukertan padruwén nyané soang-soang.

Ra. Ngamedalang usul ritatkala wénten paruman ring désa sané mabuat;

Ka. Dados prajuru ring banjar utawi désa;

Da. Polih pamutus saking prajuru ritatkala wénten wicara;

Ta. Polih laluputan manùt pararem.

2. Kapatutan krama tamiu:

Ha. Patut madana punia ring désa / banjar ādat, manùt pararem;

Na. Polih pasayuban marupa pitulung rikañjekan katibén pañcabhaya;

Ca. Polih pamutus saking prajuru ritatkala wénten wicara.

3. Kapatutan tamiu:

Ha. Patut madana punia ring désa / banjar ādat, manùt pararem;

Na. Patut polih pasayuban marupa pitulung rikañjekan katibén pañcabhaya;

Ca. Polih pamutus saking prajuru ritatkala wénten wicara.

4. Sinalih tunggil krama désa, krama tamiu, lan tamiu tan kadadosang ngajak wong laki utawi wadon, tuna susila ngranjing miwah ngrerep ring wewidangan désa adat, sapisira ugi sané piwal, patut keni pamidanda manùt pararem;
5. Krama désa, krama tamiu, lan tamiu tan kadadosang makta, nganggén, madruwé sarana, sané ten manùt ring uger-uger Guru Wisésa, sapisira ugi sané tiwal, patut keni pamidanda manùt pararem.

Pawos 24

Wusan dados krama désa:

1. Sangkaning:

Ha. Séda;

Na. Pinunas ngaraga;

Ca. Kanorayang, malantaran tiwal ring awig-awig miwah pararem désa, utawi tan satinut ring pituduh prajuru sajeroning indik nyupat sikian, minakadi nénten prasida ngeséhin prawerti.

2. Sang wusan dados krama désa taler kabaos wusan mabanjar, mangda nénten kabaos empak ngulanting;

3. Sang wusan dados krama désa tan polih pah-pahan druwen désa utawi banjar,
tur tan polih pasayuban malih sajeroning ala ayu;
4. Sang kanorayang dados malih tedun makrama désa, yéning sampun maséh
parisolah ipun tur malarapan antuk katerima ring banjar ādat soang-soang,
maweweh pamogpog manūt pararem;
5. Pradé sangkaning rahayu, polih likita bukti patilar saking prajuru désa.

Pawos 25

Ayah ayahan krama.

1. Satunggil krama, manūt paétangan nyané, keni ayah-ayah sekadi ring sor:
 - Ha. Ayahan utama inggih punika ayah sané kamargiang olih krama sané
ngamargiang swadharma Ēkajati utawi Dwijati;
 - Na. Ayahan ngarep inggih punika ayah sané kamargiang olih krama sané
dados krama ādat, sané jangkep alaki rabi. Ayahan ngarep mapiteges
paturunan, peson-peson miwah ayahan mamungkul;
 - Ca. Ayahan balu inggih punika ayah sané kamargiang olih krama balu
sekadi ring sor:
 - 1). Balu makrambian, keni ayah lan aparo;

- 2). Balu ngempu, keni ayah lan aparo;
- 3). Balu ngatung, tan keni ayah nanging keni aparo;
- 4). Balu ngelisting, luput manuk.

Ra. Ayahan daha truna, luput manuk.

2. Soang-soang ayahan punika wantah kamargiang siki kemanten, manut kawéntenan krama inucap;
3. Sahananing krama sané sampun munggah daha truna, soang-soang patut sareng ngayah sané kawastanin ayah daha truna;
4. Ayah daha truna punika kapupulang sajeroning sekaa truna;
5. Sekaa truna punika patut wénten ring soang-soang banjar adat;
6. Krama adat wenang nyadé ayah, sané mates mademang ayahan, yan sampun kapastika, luihé:

Ha. Sungkan tahunan;

Na. Yan sampun madruwé pangentos utawi panyeledihi;

Ca. Risampun mayusa pitung dasa (70) warsa.

7. Krama adat kadadosang:

Ha. Mapuankid utawi tan tedun ngayah / parum:

- 1). Rikala nangun yadnya, kaluasan masengker déwasa;
- 2). Keni dadawuhan saking Guru Wisésa;
- 3). Kapialang, luihé: sungkan, matepetin, kalayu sekaran, lan sakancan punika.

- Na. Dados nyudi patajuh (kawakilang) ring warga / krama tiosan, sané sampun munggah daha truna;
- Ca. Dados mogpog utawi nutug ayahan antuk āta brana utawi ngampel, pradé makarya ring dura désa, manùt perarem ring banjar soang-soang.

Pawos 26

Tata titi krama désa, krama tamiu, lan tamiu, sané nampi krama tamiu utawi tamiu:

1. Krama désa, krama tamiu, lan tamiu, sané nampi krama tamiu utawi tamiu jantos marerepan:
 - Ha. Mangda masadok ring kelian banjar, arahina saking ngawit marerepan ring genah sang narima;
 - Na. Yéning krama tamiu utawi tamiu punika madunungan rauh asasih, kelian banjar patut nuréksain kabuatan nyané madunungan, kádungang ring

ilikita sané ninasang (ngadungan) kabuatan ipuné.

2. Yéning kabuatan nyané tan manùt ring sané katinasang, kelian banjar wenang ngawaliang krama tamiu utawi tamiu punika;
3. Yéning krama tamiu lan tamiu punika jenek rauhing asasih taler durung kasadokang, krama désa / krama tamiu / tamiu sané nampi, patut keni pamidanda manùt pararem.

Palet 2

Pamucuk Désa

Pawos 27

Pamucuk désa ādat inggih punika:

1. Sabha désa.
2. Kertha désa.
3. Prajuru désa.

Sabha Désa

Pawos 28

1. Sabha désa, inggih punika paruman désa sané taler kabaos paruman agung désa ādat sané kamiletin antuk krama maka sami miwah **prajuru** ādat sami sané matatujon pacang nepasin sahananing wicara sané mawiwit saking awig-awig lan sané mapakilitan ring tata ādat, āgama, budaya miwah sahananing pidabdab pewangunan ring désa ādat sané muatang pamutus ring sajeroning paruman agung;
2. Manùt makadi dresta sané manggeh ring ādat, sahananing pamutus-pamutus sané kamedalang tur kamanggehang ring désa ādat dumogi panglaksanaan ādat istiadat prasida mamargi ajeg patut kaputusan ring sajeroning paruman désa sané mawasta sabha désa.

Kertha Désa

Pawos 29

1. Kertha désa inggih punika genah prajuru désa lan krama désa ādat nunas dharma tatimbang yéning wénten nepasin daging awig-awig;
2. Swadharma kertha désa, wenang mapaica saluhuring dharma tatimbang ring prajuru désa,

makadi:

- Ha. Indik prajuru désa sané singsal ngamargiang awig-awig;
 - Na. Indik krama désa sané pacang nguwah nguwuhin awig-awig désa ādat;
 - Ca. Indik wénten wicara ring désa ādat sané kasengguh perkara.
3. Kertha désa patut ngicénin dharma tatimbang lan ngawantu prajuru désa lan krama désa yéning wénten pikobet indik pamargin awig-awig.

Tata Cara Ngadegang Kertha Désa

Pawos 30

1. Kertha désa akéh nyané limang diri;
2. Sané dados kâdegang kertha désa, luiirnya:

- Ha. Mawiwit saking krama ngarep;
- Na. Wikan ring hukum ādat / āgama lan hukum nasional.
- Ca. Ritatkala kacawis, mayusa sakirangnya petang (4) warsa;
- Ra. Waras lan ten cacad angga premana;
- Ka. Maparilaksana becik lan nénten cacad hukum;
- Da. Jujur, adil, wicaksana, lascarya ngayah;

Ta. Kasudi olih prajuru kelian banjar;

Sa. Suwén nyané dados kertha désa lima (5) warsa.

Prajuru Désa

Pawos 31

1. Sané kasinanggeh prajuru désa, inggih punika:

Ha. Bandésa;

Na. Patajuh / pangliman;

Ca. Panyarikan;

Ra. Patengen;

Ka. Kasinoman désa;

Da. Kelian banjar ādat.

2. Prajuru désa / banjar, patut:

Ha. Mawiwit saking krama ngarep;

Na. Waras lan tan cacad angga pramana;

Ca. Maparilaksana becik lan nénten cacad hukum;

Ra. Jujur, pradnyan, wicaksana, lan madruwé pangunadika, lascarya ngayah.

Tata Cara Ngadegang Prajuru Désa

Pawos 32

1. Tatacara ngadegang prajuru désa:
 - Ha. Ngadegang manùt paruman sané sampun payuban krama désa ādat;
 - Na. Soang-soang banjar dados ngusulang siki calon bandésa mawiwit saking krama ngarep;
 - Ca. Kawéntenang prawartaka pemilihan, antuk prajuru désa kawantu olih kelian / prajuru banjar sané kasudi;
 - Ra. Calon saking prajuru banjar kaseléhin antuk prawartaka, raris kapastika wénten kalih (2) ngantos lima (5) calon bandésa;
 - Ka. Pemilihan kamargiang ring wantilan désa ādat, soang-soang kelian banjar patut niténin lan nuréksain pamargi pemilihan bandésa inucap;
 - Da. Calon sané kacawis paling makéh sané jayanti;
 - Ta. Bandésa wenang nyudi pangabih nyané.
2. Prajuru désa kádegang lima (5) warsa apisan, olih paruman agung désa ādat;
3. Prajuru sané wau kapilih kaupasaksiang ring pura Kahyangan Tiga utawi ring

Pura Désa;

4. Sajawaning wénten parindikan sios, sang sampun puputing panumaya dados prajuru, kengin kapilih malih apisan;
5. Pradé bandésa ādat mararian, sadurung panumayanipun, swadarman nyané kamargiang olih pangliman utawi petajuh, nyané rauh puputing panumaya, utawi sungkem pikayun krama désa jaga malih ngadegan bandésa mejalaran antuk tetimbangan kertha désa, raris prajuru désa kewanu olih kelian banjar patut ngamargiang sajeroning pemilihan manut angka siki ring ajeng, indik tata cara ngadegang prajuru désa.

Pawos 33

1. Ritakala ngamargiang kasukerthan désa ādat, bandésa kewanu olih:
 - Ha. Patajuh, pinaka wakil bandésa;
 - Na. Panyarikan, pinaka juru surat;
 - Ca. Patengen, pinaka pangamong druwen désa;
 - Ra. Kelian-kelian banjar ādat;
 - Ka. Kasinoman pinaka juru arah;
 - Da. Pecalang sané nreptiang pamargi ritakala wénten karya ādat, budaya, lan

Agama Hindu;

- Ta. Prajuru ring soang-soang pura ritatkala piodalan ring: Pura Désa, Pura Puseh, Pura Dalem Jati, pura Prajapati, Pura Gunung Sari, Pura Melanting désa, Pura Durga Maya / pengayengan Dalem Péd, lan pura sané tiosan sané dados amongan utawi panyiwian désa.
2. Ritatkala ngénterang kasukertan ring niskala, bandésa patut masinggihang pemangku Kahyangan Tiga miwah kahyangan désa tiosan;
3. Indik tata titi ngadegang pecalang, swadarman lan patitis ipun, kamanggehang manùt pararem.

Pawos 34

1. Swadharmaning bandésa ādat, inggih punika:
- Ha. Ngénterang paruman-paruman désa ādat;
- Na. Ngénterang panglaksanaan sadaging awig-awig miwah pamutus pamutus krama désa, sané sinanggeh pararem;
- Ca. Ngaraksa miwah nudonang tata titiné migunayang ārta brana druwén désa;
- Ra. Nuntun saha ngénterang krama désa rauhing warga désa sami, ngupadi kasukertan sekala lan niskala;

- Ka. Nuntun saha nyaksi upacara sangaskaraning kahuripan sané mabuat;
- Da. Nuntun saha ngénterang warga désa, nginggilang Sang Hyang
 agama, kasucian kahyangan, kasucian palemahan, kasucian
 pawongan, miwah tata titiné migunayang sétra, sané kasurat ring
 perarem;
- Ta. Mawosin miwah niwakang pamutus marep ring wicâra krama;
- Sa. Maka duta désa ādat, matemuang babaos ring sapisira ugi;
- Wa. Lan sané séwosan sané wénten pakilitan nyané ring désa ādat.
2. Tata titiné ngalaksanayang swadharma inucap ring ajeng, tan maren patut
 satinut ring daging awig-awig, pararem, dresta miwah pamutus paruman krama
 désa ādat;
3. Panglaksanané ring ajeng patut kasobyahang ring désa ādat, kapungkur ipun;
4. Sumakuta utawi sumanggup natak pamutus paruman krama désa ādat, ngenenin
 swadharman soang-soang prajuru.

Pawos 35

Swadarman patajuh, inggih punika ngawantu bandésa ring widang parhyangan,
 pawongan, lan palemahan.

Pawos 36

Swadarman penyarikan, inggih punika ngawantu bandésa ngaryanin saluir séwalapatra, nyatet invéntaris désa tur nyuratang saluiring pamutus pangraos désa ring sangkepan.

Pawos 37

Swadarman patengen, inggih punika ngawantu bandésa ngaryanin utawi ngarincik sakaluir pangranjing miwah pamedal jinah désa ādat lan ngupapira padruwén désa ādat.

Pawos 38

Swadarman kasinoman désa, ngewantu bandésa nyobyahang séwalapatra utawi pamutus pengeraos désa ring témpékan désa.

Pawos 39

Swadarman pecalang désa ngawantu bandésa nreptiang pamargin upakara yadnya, dharmaning āgama lan dharmaning negara.

Pawos 40

Patias utawi olih-olihan lan leluputan pamucuk désa ādat, manùt

pararem.

Pawos 41

1. Wusan dados pamucuk désa ādat, sangkaning:

Ha. Lina / padem;

Na. Pinunas ngaraga;

Ca. Swadharman nyané sampun puputing sengker;

Ra. Kawusanang / kanorayang olih krama désa duaning iwang pamargi,
manawi nilar sesana.

2. Ngentosin, ngawusanang, utawi nganorayang pamucuk désa ādat, patut
kamargiang sajeroning paruman agung désa ādat.

Pawos 42

Patias utawi olih-olihan prajuru désa, luihé:

1. Luput rarampen (peson peson);

2. Upon pecatu / pelaba carik / tegal;

3. Patias siosan manùt pararem;

Palet 3

Indik Kulkul

Pawos 43

Kulkul ring Désa Ādat Penarungan wénten lima soroh:

- Ha. Kulkul désa magenah ring Pura Désa / Pura Puseh;
- Na. Kulkul banjar magenah ring banjar soang-soang;
- Ca. Kulkul subak magenah ring balé subak;
- Ra. Kulkul daha taruna magenah ring banjar soang-soang.
- Ka. Kulkul sekaa-sekaa / témpékan magenah ring prajuru témpékan.

Pawos 44

1. Tabuh tetepakan kulkul désa / banjar pastika masiosan tetujon ipun, luiré:

- Ha. Ritatkala wénten anak alit embas ring bebanjara punika patut
suarayang kulkul apisan;
- Na. Mangda taler sinah indiké punika:
 - 1). Yéning istri embas, kulkul istri patut ketepak apisan;

- 2). Yéning lanang embas, kulkul lanang patut katepak *apisan*.
2. Ritatkala wénten ida dané wewengkon Désa Ādat Penarungan séda, patut mesadok riin ring prajuru désa ādat, raris nepak kulkul tigang (3) klentungan, yan lanang sané mantuk / séda kulkul lanang sané patut katepak, yéning istri sané mantuk / séda kulkul istri sané patut katepak;
 3. Ritatkala wénten kaicalan nywarayang kulkul tigang (3) tulud, pradé anak istri sané ical / ngrorod suaran kulkul tigang (3) tulud, sakéwanten wénten cihna yéning sampun pada ārsa suaran kulkul kadulurin antuk suaran nung ting;
 4. Ritatkala wénten umah puun suaran kulkul tigang (3) tulud, raris lantur suaran ipun gumanti patulung saking siosan-siosan rauh;
 5. Ritatkala wénten biuta utawi iyeg mabuat nyuarayang kulkul kalih (2) tulud, nanging yéning jantos mebaya pati iyeg punika suaran kulkul patut tigang (3) tulud;
 6. Tengeran ritatkala wénten linuh suaran kulkul ngompang nung ting.

Pawos 45

1. Mungguing suaran kulkul yéning masuara duang (2) tulud, napi malih tigang (3) tulud, punika patut katanggurin antuk sios banjar tur raris patut tulungin yéning sampun janten napi luire sané wénten;

2. Riwusan suaran kulkul bulus yan wénten suara kulkul tabuh alon / banban, punika nyiarang pakaryané sampun puput;
3. Pradé wénten nepak kulkul manùt tengeran kapanca bhaya mewastu ngemedalang krama désa, kasujatiané tan wénten panca bhaya, wenang sang nepak kadanda manùt perarem.

Palet 4

Indik Paruman

Pawos 46

1. Paruman / sangkepan ring Désa Ādat Penarungan, wénten:

Ha. Paruman désa / banjar kawéntenang:

- 1). Paruman krama désa ādat kewéntenan ngewarsa;
- 2). Paruman krama banjar ādat nyabran sasih, makacihna tan arah-arah, duaning sampun tetep panumaya manùt pararem babanjaran soang-soang;
- 3). Napkala (patgata kala) maka jalaran arah-arah manùt tatujon.

Na. Sangkepan prajuru / dulu désa, kawéntenang manùt wiguna;

Ca. Paruman sekaa-sekaa manùt babuat.

2. Paruman désa utawi banjar madudonan sakadi ring sor:

Ha. Prasida lumaksana ri sampun katedunin antuk sang patut ngamiletin kamanggala antuk tengeran kulkul miwah mabusana ādat, saha tan kalugra makta gegawan lan tan maren ngarcana ring Ida Bhagawan Panyarikan maka sarana widhi widana cané;

Na. Maka sarana jagi pangawit kalaksanayang sep-sepan saha ri wusan nyacah kamargiang nawur dadosan gung alit manùt pararem;

Ca. Tan kalugra ngawetuang suara ghora utawi biuta pradé wénten makadi punika patut kaglémékan, yan ten tinut patut keni pamidanda béa pecamil utawi prayascita désa / banjar;

Ra. Pamutus babaos briuk sapanggul (ingkup) punika kamanggehang.

3. Pradé daging paruman tan kacumponin mangda prajuru désa / banjar ngilikang babaos, saha putusan nyané mangda karareman antuk krama désa / banjar, samaliha pradé tan prasida kasungkemin rauh ping tiga, prajuru banjar wenang nunas baos ring kertha désa manùt undangan luihé: kamanggeh paingkupan prajuru, ngraris panglingsir, panguntat paruman.

Pawos 47

1. Sajeroning paruman désa, bandésa ādat / pakraman patut nyiarang pamargi ngénterang désa, pamekas nganinin indik:

Ha. Munjuk lungsuring pakraman saha ayah-ayah, sulur ârta brana
druwén désa;

Na. Rencana prajuru nganinin usaha désa kapungkur.

2. Pamutus paruman désa sinanggeh pararem maka pamitegep pamargin awig-awig.

Pawos 48

1. Sangkepan prajuru désa kawenangang ngrincikang usaha désa kapungkur.
2. Sangkepan prajuru tan kawenang ngawedalang tategenan ring krama kaingkupin antuk krama désa;
3. Pamutus sangkepan prajuru ngawetuang pasuara, maka pidaging pituduh sang ngawiwenang ngonekang pecak pararem krama désa;

Palet 5

Indik Padruwén Désa

Pawos 49

1. Padruwén Désa Ādat Penarungan sakadi ring sor:

Ha. Kahyangan désa, luiré:

- 1). Kahyangan Tiga: Pura Désa, Pura Puseh, Pura Dalem Jati;
Pura Prajapati, Pura Gunung Sari, Pura Melanting Désa, Pura
Durga Maya / Pengayengan Dalem Péd, lan sané tiosan sané
dados amongan utawi panyiwian désa, jangkep seluiring
busanané.

Na. Balé Désa Ādat Penarungan;

Ca. Tanah tegalan: sértifikat hak milik nomor 873 / désa Penarungan,
persil, kelas, luas 600 m², magenah
ring palemahan amengan linggah;

Ra. Tanah bebengan, sértifikat hak milik no

Ka. Karang ayahan désa 412 unit 403 sepon;

Da. Sétra désa ādat wénten petang (4) palebahan.

- 1). Sétra ageng pamendeman wong tua tur kaempon olih kramannya
manüt dresta magenah ring palemahan Pura Dalem Prajapati;
- 2). Sétra ageng pamendeman wong tua tur kaempon olih kramannya
manüt dresta magenah ring wewidangan Banjar Dauh Peken;
- 3). Sétra raré genah mendem wong raré sané durung meketus untu
magenah ring Āpit Yéh;
- 4). Sétra raré genah mendem wong raré sané durung meketus untu
magenah ring

wewidangan Banjar Dauh Peken;

Ta. Pelaba pura, carik/tegal malinggah:

- 1). Tanah pelaba Pura Dalem Jati: sértifikat hak milik nomor , persil 23 kelas 2 luas 7200 m², magenah ring palemahan Subak Penarungan;
- 2). Tanah pelaba Pura Prajapati: sértifikat hak milik nomor 870 persil 22 kelas 1 luas 1400 m², magenah ring palemahan Subak Penarungan;
- 3). Tanah pelaba Pura Désa / Puseh: sértifikat hak milik nomor 874 persil 29 kelas 1 luas 4347 m², magenah ring palemahan Subak Penarungan;
- 4). Tanah pelaba Pura Gunung Sari: sértifikat hak milik nomor 872 persil 6 kelas 2 luas 1300 m², magenah ring palemahan Subak Penarungan.

Sa. Piranti piranti désa ādat, luiré:

- 1). Wewangunan ring Pura Dalem Jati;
- 2). Wewangunan ring Pura Prajapati;
- 3). Wewangunan ring Pura Désa / Pura Puseh, lan Balé Agung;

- 4). Wewangunan ring Pura Melanting pasar désa ādat;
- 5). Wewangunan ring Pura Gunung Sari;
- 6). Wewangunan ring Pura Durga Maya / Pengayengan Dalem Péd;
- 7). Wewangunan ring sétra wewidangan Banjar Dauh Peken;
- 8). Miwah wewangunan sané lianan.

Wa. Lelanguan, minakadi tetabuhan lan ilén-ilén padruwén désa ādat, luihé:

- 1). Gong abarung;
- 2). Lekita-lekita, luihé: sértifikat, pipil, awig-awig, pasuara / pararem, lan siosan.

La. Tanah lan wewangunan lembaga perkreditan désa (LPD), Désa Ādat Penarungan, luas 400 m²;

Ma. Pasar Désa Ādat Penarungan, luihé:

- 1). Pasar magenah ring wewidangan banjar Dangin Peken;
- 2). Pasar pedagang kaki lima (PKL) magenah ring wewidangan banjar Sengguan.

Ga. Usaha désa ādat, luihé: usaha lembaga perkreditan désa (LPD), usaha séwa wewangunan toko, warung, lan

siosan;

Ba. Niasa, sasanthi;

Ja. Miwah sané lianan.

2. Olih-olihan Désa Ādat Penarungan luié:

Ha. Olih-olihan saking palaba pura;

Na. Olih-olihan saking pasar ādat Penarungan;

Ca. Olih-olihan saking lembaga perkreditan désa (LPD), Désa Ādat Penarungan;

Ra. Olih-olihan saking séwa wewangunan luié: toko, warung, lan siosan;

Ka. Urunan krama désa ādat / pakraman;

Da. Paica saking Guru Wisésa;

Ta. Dana punia tiosan, sané patut.

Pawos 50

1. Prajuru désa wenang ngétangang pamupon laba pura lan sapanunggilan druwén désa;
2. Pikolih lan pamupon nyané kanggén prabéa piodalan lan

wawangunan ring pura padruwén désa;

3. Nyabran pasangkepan désa, prajuru pangamong druwé ngewéntenang parindik munjuk lungsur padruwén ring krama désa;
4. Sakaluir druwén désa mangda sami wénten likitan nyané lan mangda kasertifikatan;
5. Tan kalugra ngadol utawi ngesahang druwén désa yan tan kasungkemin antuk krama désa.

Palet 6

Indik Panyanggran Banjar

Pawos 51

Krama désa ri kala karya suka duka, patut kasanggra antuk banjar, luiré:

1. Pradé ngwangun Pitra Yadnya utawi Manusa Yadnya, manùt pinunas sang mayadnya;
2. Ritatkala ngwangun karya suka duka, kéngin nunas panyanggran banjar, manùt ring banjarnya soang-soang;
3. Panyanggran banjar sané kamargiang manùt dresta miwah pararem banjar soang-soang, manùt panglokika agung alit karya, tur mangda katuréksain olih prajuru

désa.

Palet 7

Indik Pawiwahan

Pawos 52

1. Pawiwahan inggih punika patemoning purusa pradana malarapan panunggalan kayun suka cita kadulurin upasaksi sekala niskala;
2. Pamargin pawiwahan, luiré:
 - Ha. Pepadikan, kamanggala antuk pakrunan;
 - Na. Ngarorod, ngrangkat riin wau kakrunayang;
 - Ca. Nyeburin utawi santana nyeburin.
3. Pidabdab sang pacang mawiwaha, patut:
 - Ha. Sampun manggeh daha truna (prasida nganutin ūndang-ūndang perkawinan);
 - Na. Sangkaning pada rena, tan kapaksa;
 - Ca. Kasudiang pradé pangambilé sios āgama.
4. Pamargin pawiwahan mangda nganutin ūndang-ūndang perkawinan saking sang ngawiwenang.

Pawos 53

1. Pawiwahan sané kapatutang ring désa, sakadi ring sor:
 - Ha. Sampun kamargiang pabiakala utawi kasaksiang sekala niskala;
 - Na. Wénten pasaksi prajuru sané mapakélingan utawi ngilikitayang pawiwahan.
2. Parabian sané tan manùt kadi ring ajeng sinanggeh tan patut.

Pawos 54

1. Sapa sira ugi pacang ngawarangan pakulawarganya patut masadok ring prajuru, salantur nyané prajuru maritatas, manùt tan manùt pamargi parabiane;
2. Pamargin papadikan manùt dudonan:
 - Ha. Pakrunan rauh ping tiga, saha soang-soang malarapan:
 - 1). Kapertama antuk canang;
 - 2). Kaping kalih antuk canang lan sajeng;
 - 3). Kaping tiga, antuk tipat bantal, kabaos pamuput papadikan.
 - Na. Ri sampun mapragat raris sang istri kajak budal ring pakubon sang lanang, saha kalanturang antuk pabiakala;

Ca. Mangda puput tumus sekala niskala raris kulawarga purusa makta
pejati ring mrajan wadoné.

3. Pradé ngerorod / ngrangkat patut:

Ha. Reraman lanangé ngawéntenang pamalaku antuk duta saksi
sakirangnya kalih diri;

Na. Pagenahan anténé tan kéngin ring pakubon sang lanang sedéréng
mabiakala;

4. Sajeroning pakrunan / panglukuan patut:

Ha. Kamanggala antuk geng pangampura, majeng ring reraman wadoné;

Na. Kaigumang baos indik idih pakidih utawi palegayan arep ring
paséwakan sang ngidih saha déwasa pakrabkambéyané wekas;

Ca. Kacihnayang indik kapurusa utawi pradé santana rajeg kajejerang,
kapatut ngidih anak lanang sané kabaos pawiwahan nyeburin, tur ri
sampun sulur pamerasan kategepin kamanggehang santana nyeburin;

Ra. Pradé tan terima, pejati pakrunan kamargiang jantos ping tiga.

5. Pakrabkambéyan mapiteges upacara tinas apadang (tinglas) mapikuren,
duaning manùt sakadi ring sor:

Ha. Sajeroning kabaos ambé, kalaksanayang ring sekala niskala antuk
sarana jejauman miwah pawidhi widhana:

- 1). Jejauman pinaka ngambé / ngadungang kayun soang-soang pakulawargan wadoné;
- 2). Widhi widhana pinaka pejati niskala nunas wadoné ring pamrajan kamulan nyané.

Na. Sajeroning baos kerab kambé palaksana ring sekala:

- 1). Antuk panyaksi krama banjar, duaning kakerabin manawi antuk tengeran kulkul;
- 2). Pamekas panyaksi prajuru saha ngilikitang.

Pawos 55

1. Tata cara pawiwahan rikanjekan rahina pawiwahan saking sanga purusa, patut mawéh nasi rongan (arong, bebayulan a rong), dados taler lintangan ring punika manut agung alit pakaryan, sios ring punika patut taler makta jauman ring sang predana agung alit manut kawéntenan;
2. Upacara pawiwahan punika patut kapuput antuk: sonténg, sulinggih, tur kasaksinin antuk prajuru banjar adat / désa miwah pamong désa;
3. Sang lanang istri sané sampun kajatiang marabian, patut madruwé surat pangesahan sané kamedalang antuk pemerintah (akte perkawinan), prajuru banjar / désa adat tur wenang netes para indik punika.

Palet 8

Indik Santana

Pawos 56

1. Santana wénten kalih pawos, sané kaucap pratisantana miwah santana paperasan;
2. Pratisantana inggih punika santana sané metu saking pawiwahan kapatut;
3. Pradé pawiwahan tan ngawetuang santana kéngin ngidih santana antuk upasaksi sekala niskala sané kawastanin santana paperasan;
4. Pradé pawiwahan tan kapatut ngawetuang santana, mangda tan kantun kawastanin babinjat utawi astra patut kamanggala antuk panyangaskara;
5. Santana rajeg inggih punika, pratisantana wadon (pradana) sané kamanggehang lanang (purusa) tur risampun nglaksanayang pawiwahan nyeburin;
6. Sang sané karsayang santana rajeg inucap mawiwit saking:
 - Ha. Pratisantana wadon tunggal utawi silih sinunggil pratisantana wadon yéning makasami pratisantana wadon;
 - Na. Sampun kamanggehang dados pratisantana (purusa);

- Ca. Kaparwihahan kaceburin, kantsahayang antuk jadma sané mägama
Hindu utawi jadma sané mägama siosan sané sampun nglaksanayang
pamarisuda raga utawi sudi wedani;
- Ra. Sané kamanggehang santana rajeg patut masadok ring prajuru banjar
tur kelian banjar nyiarang ring banjar saha ngaturang ring prajuru
désa pakraman.

Pawos 57

1. Ngangkat santana manut dudonan patut makacihna ärtä brana pamerasan sané
kasaksiang sekala niskala;
2. Sapa sira ugi krama pacang ngangkat santana patut masadok ring prajuru ädat
sanistané asasih sadurung pamerasan.
3. Prajuru ädat / bandésa ädat kawakilin antuk kelian banjar ädat nyobyahang ring
sawidangan désa / banjar, manawi sang sapa sira ugi rumasa tan lila mangda
masengker kalih wuku sadurung pamerasan masadok ring prajuru ädat /
bandésa ädat;
4. Prajuru ädat / bandésa ädat digelis mawosin saha ngicénin pamutus nepék ring
catur dresta miwah pararem.
5. Pradé sulur pamerasan tan manut kecaping ring ajeng, prajuru ädat / bandésa
ädat wenang ngandeg sang pacang ngamargiang pamerasan, saha ngicénin
pamutus mangda

kapuputang riin babaosan manùt sulur utawi wicaran nyané.

Pawos 58

1. Paperasan sané kapatut ring désa risampun makacihna:

Ha. Widhi widhana pamerasan;

Na. Kasaksinin antuk prajuru désa sané makélingang utawi ngilikitayang;

Ca. Kasobyahang ring wawidangan banjar / désané.

2. Sané kapatut peras anggén santana kadi ring sor:

Ha. Jadma mágama Hindu;

Na. Kulawarga saking purusa, pradé tan wénten kéngin saking wadon, yéning taler tan wénten wau kéngin sakama kama (saking kayun);

Ca. Kautamayang saking waris pancer kapurusan;

Ra. Sinalih tunggil mawiwit saking kulawarga tunggal sanggah utawi mrajan, paibon lan dadia, utawi ngambil anak tios sakéwanten sang mágama Hindu.

3. Kéngin ngangkat santana langkung ring adiri, lanang wiadin wadon.

Pawos 59

1. Swadarmaning pratisantana, santana pemerasan lan santana rajeg:
 - Ha. Patut ngamargiang swadarmaning santana, meparilaksana becik, madruwé pangunadika, jujur lascaraya;
 - Na. Patut ngamargiang tur ngemanggehang ngupadi kasukertan arep ring kulawarganya lan kaluhuranya sekala niskala;
 - Ca. Patut ngemanggehang Āgama Hindu ādat lan budaya Bali manūt dresta désa, nénten kedadosan metilar utawi magentos ring Āgama Hindu kebaos ninggal kedaton.
2. Yan tan satinut ring sedaging swadarmaning manūt patitis siki, tan maren utawi nénten kepatutan malih pratisantana, santana pemerasan lan santana rajeg kedadosan santana lan tan kepatutan molihang warisan ring kulawarganya;

Palet 9

Indik Nyapian

Pawos 60

1. Pawiwahan prasida kawusang malarapan antuk palas marabian utawi kalayu

sekarang;

2. Wusan mapikuren riantukan silih sinunggil lina mapiteges balu, makadi balu lanang / istri;
3. Palas marabian inggih punika sangkaning lila cita utawi mawiwit wicara kabaos nyapian;
4. Sang ayat palas marabian patut atur supéksa indik pailikitan nyané riin ring sang rumaos (pengadilan negeri) wastu tinas apadang pamutus nyané kabaos nyapian, wau prajuru ādat nyiarang kawéntenannia ring désa saha keni pamelin kulkul manùt pararem banjar soang-soang.

Pawos 61

1. Tata cara palas marabian sakadi ring sor:

Ha. Nawur prabéa pasaksi sinalih tunggil sami matenga;

Na. Pagunakayan polih pahan pada;

Ca. Pabekel tatadan soang-soang kakuasa niri-niri lan warisan kakuasa antuk purusa;

Ra. Ngaweruhin miwah ngupajiwan pratisantana manùt swadarmaning guru rupaka;

Ka. Nawur pamidanda pangentos suaran kulkul manùt pararem banjar soang-soang;

- Da. Ngelung jinah bolong makacihna palas marabian.
2. Pradé riwekas sang palas kacihna adung malih patut ngamargiang pawiwahan malih taler manùt undang undang perkawinan.

Pawos 62

1. Sang balu kabinayang dados:
- Ha. Balu luh wit santana (santana rajeg) miwah balu luh boya santana;
- Na. Balu muani kapurusa (wit santana) kapurusa miwah balu muani nyeburin (boya santana nyeburin).
2. Swadarmaning balu inucap patut:
- Ha. Ngamanggehang patibrata tan kéngin ngamargiang paradara / drati krama;
- Na. Nguasayang waris gunakaya, tan dados ngadol, ngadéang, makidihang lan siosan punika, sajawaning kabébasang sakéng pianak utawi kulawarga pinih tampek saking prabina pradé okané kantun alit-alit;
- Ca. Kéngin ngidih santana pradé wénten pidabdab sadurung sinalih tunggil ling, saha kabébasang antuk kulawarga sinanggeh kapurusa;
- Ra. Kawenangang mawiwaha malih yan wénten kabébasan manùt äksara ring ajeng.
3. Balu kaucap tan pageh sakadi ring sor:

- Ha. Drati krama utawi paradara;
Na. Matilar saking pakubon tan pasadok jantos nem sasih;
Ca. Lémpas ring swadarma sios-siosan tan prasida ngeschin solah
maprawerti arep ring pituduh kulawarga purusa.

Palet 10

Indik Warisan

Pawos 63

1. Warisan inggih punika āṛta brana saha ayah-ayahan ngupadi sukerta sekala
niskala saking keluhuranya arep ring turunannya;
2. Sané sinanggeh warisan, luiṛé:

Ha. Duwé tengah, makadi tegal ayahan désa, kahyangan, pasuka siwa
karang, lan sané siosan;

Na. Pagunakayan, tatadan / jiwa dana, hutang piutang.
3. Wawu kéngin kabaos warisan pradé wénten:

Ha. Sang mapiturun (pawaris)

Na. Katurunan (āhli waris);

Ca. Ārtha brana tategenan (ayah-ayahan) makacihna warisan.

Pawos 64

1. Āhli waris, luiré:

Ha. Pratisantana purusa;

Na. Pratisantana (santana rajeg);

Ca. Santana paperasan lanang / wadon;

Ra. Āhli waris sané manùt ring ajeng patut ngamanggehan Āgama Hindu.

2. Pradé tan wénten sakadi ring ajeng kang sinanggeh āhli waris:

Ha. Turunan purusa pernah ngunggahang makadi rerama, lanang, pekak, selanturnya, rerama misan, mindon;

Na. Turunan purusa pernah ke samping makadi kaponakan dimisan miwah mindon.

3. Swadarmaning āhli waris patut:

Ha. Nerima, saha ngutsahayang tetamian pahan kaluhurannya, makadi ngrempon sanggah / mrajan, pura, saha pangupakaranya miwah ayah-ayahan pawaris;

Na. Āhli waris sané manùt ring ajeng patut ngamanggehan Āgama Hindu. Yan

megentos utawi metilar saking Āgama Hindu ten kesinanggehan āhli waris;

Ca. Ngabénang pawaris saha nglanturang upacara-upacara pitra;

Ra. Naurin hutang hutang pawaris manùt panglokika.

Mungguing waris kawaris ring désa ādat / pakraman kamargiang makadi ring sor:

1. Ri sampun kalaksanayang Pitra Yadnya lan hutang-hutang pawaris buntas kataur, wau warisan dados kaepah.
2. Para āhli waris sami polih pahan sangkaning pagunakayan, sajawaning karang / tegal ayahan désa kaemong antuk āhli waris kang sinanggeh krama ngarep;
3. Sinalih tunggil āhli waris kéngin tan polih pahan pradé:

Ha. Metilar saking Āgama Hindu;

Na. Nilar sesananing Āgama Hindu;

Ca. Nilar kawitan;

Ra. Ālpaka guru rupaka;

Ka. Santana rajeg késah mawiwaha utawi pratisantana nyeburin soang-soang kabaos ninggal kadaton.

4. Boya ahli waris, kengin muponin hasil manut dudonan, luihé:
- Ha. Santana luh, selami during késah mawiwaha;
- Na. Balu luh wiadin muani nyeburin (soang-soang boya santana).
5. Pawaris kengin maweweh rikala maurip pinaka jiwa dana, tatadan / bekel, makacihna paweweh tetep ring okané sané késah mawiwaha.

Pawos 65

1. Pradé sajeroning pakulawargan wénten ahli waris langkungan ring adiri, patut:
- Ha. Kawéntenang paigum indik pedum waris inucap;
- Na. Yan tan prasida katunasang tatimbang ring dulu dulu désa (kerta désa);
- Ca. Pradé taler tan wénten cumpu ring panepas kerta désa, patut kedauhang ring kerta désa pradé taler tan kacumponin, kengin katunasang ring sang rumawos (pengadilan negeri).
2. Pradé karang inucap kaputungan, patut prajuru / dulu désa nibakang ring:
- Ha. Sang sinanggeh ahli waris manut pawos;
- Na. Sang kengin anggén santana manut pawos;

Ca Pradé taler tan wénten cumpu ring panepas kertha désa, kéngin
kautsahayang ring sang rumawos (pengadilan negeri).

3. Pradé jantos karang désa kepah utawi kasepih, patut soang-soang nedunin
makrama désa ngarep.

SARGA LIMA

SUKERTA TATA PALEMAHAN

Palet 1

Sukerta Pamitegep

Indik Karang, Tegal, Carik, lan Sétra

Indik Karang lan Tegal

Pawos 66

1. Sané kabaos karang désa inggih punika: sakaluiring palemahan, pekarangan sané manùt ring Tri Hita Karana luiré: pamrajan, pakubon, miwah paneban sajangkep nyané apalebahan;
2. Krama désa sané polih nanggap karang inucap tan dados ngadol, ngadéang, nyingkuhang karang désa inucap, sajawaning kawigunannya manùt petitis, turmaning sané mikolihang mangda nedunin makrama désa ādat;
3. Krama Désa Ādat Penarungan sané nanggap medasar antuk numbas tanah

paneban / tegalan, makarya tangunan utawi nénten, nénten keni penanjung batu lan nénten keni ayah-ayahan banjar malih;

4. Krama tamiu sané nanggap medasar antuk numbas, mekarya tangunan utawi nénten, patut keni penanjung batu nyabran awarsa, agung alitnya manùt perarem;
5. Kawigunannya manùt petitis punika patut ngemolihang ilikita lingga tangan mekadi pemutus sané kamedalan olih bandésa ādat;
6. Telajakan pura parhyangan yadiastun pura pura pemaksan napi malih pura Kahyangan Tiga tan dados anggén karang paumahan, sakéwanten dados anggén genah wewangunan désa ādat, wantilan, balé peparuman yéning sampun manùt.

Pawos 67

1. Krama désa ādat sané polih nanggap karang désa, pradéné magingisir saking Désa Ādat Penarungan, mangda kewaliang malih karang désa punika ring désa ādat;
2. Sané dados umanjing utawi nanggap karang sané kabaos ring ajeng, wantah pasametonan ipun sané pinih nampek tur magenah ring sajeroning banjar tunggil;

3. Yan sajeroning banjarnya tan wénten pasametonan ipun sakadi manggeh ring ajeng, wenang jadma siosan nanggap, nanging kantun sajeroning banjar punika manùt pararem prajuru banjar sareng krama banjar nyané.

Pawos 68

1. Yéning wénten karang désa sané putung wiadin luang tur wénten anak sané nanggap patut masadok ring prajuru banjar / bandésa ādat, mangda ninutin pararem désa ādat;
2. Sajeroning karang sané katanggap, tanah paumahan, yéning kantun madaging parhyangan / sanggah patut sané nanggap ngupapira.

Pawos 69

1. Tanah-tanah désa, perlaba lan tlajakan-tlajakan pura Kahyangan Tiga patut kapiara olih krama désa ādat tur pikolihnya wantah kanggén ngamecikang miwah ngupakara ring pura kayangan désa lan pura Kahyangan Tiga.

Palet 2

Indik Sétra

Pawos 70

1. Sétra wawidangan désa ādat pastika wates nyané;
2. Sétra Désa Ādat Penarungan inggih punika sétra krama Désa Ādat Penarungan sané mġama Hindu;
3. Indik migunayang sétra patut masadok ring bandésa ādat;
4. Nénten kapatutang makarya undung-undung utawi rumah kubur ring sétra Désa Ādat Penarungan;
5. Muah sané tiosan sané mapakilitan ring sétra lan pangupapiran nyané.

Pawos 71

1. Sinalih tunggil krama désa / banjar tan kalugra:

Ha. Ngalah-alah margi, karang ayahan désa, karang désa;

Na. Ngalah-alah tanah tegak kahyangan, lan sétra, sakancan tegak sinanggeh suci.
2. Pradé wénten sakadi ring ajeng, sang ngalah-alah patut ngewaliang tanah inucap

saha pamidanda sapatutnya kadulurin upakara ring genah suci sané kalah-alah manut perarem.

Palet 3

Pepayonan

Pawos 72

1. Saluiring pepayonan tan dados maungkulan kapisaga, punapi malih ngungkulin saluiring wewangunan, indiké punika banget ngawinang rusak wewangunan;
2. Pemula mulan sakaluiring, sajeroning pekarangan mangda madoh tigang méter saking pewatesan soang-soang.

Pawos 73

1. Sang madruwé pamula mulan patut setata yatna tur nuréksain tetandurané. Carang taru sané maungkulan patut katotor olih sang madruwé tetanduran, sané akah nyané berek, bungkil miwah sané patut katarka mayanin mangda digelis karebah wiadin katotor mangda sampunang jantos nyengkalén / mayanin:

Ha. Tetanduran pepayonan sané patut katotor wiadin maebah

kalaksanayang sadurung tigang rahina saking kawara antuk sanga

madruwé taru punika;

- Na. Sasampuné tutug pawanenangan taler sang madruwé punika tan kayun mrasidayang nortor wiadin ngebah pepayonan punika, dados katotor wiadin kaebah antuk sanga marasa kaberatan. Pepayonan sané katotor wiadin kaebah punika taler dados kabukti antuk sanga sané ngaryanin punika.
2. Pepayonan lan carang carang sané tan manùt sakadi ring ajeng, yan kacihnayang ring pisaga pangadin nyané tur aparisadu ring prajuru banjar nyané, prajuru nyukserahang ngebah utawi ngrabas;
 3. Sajeroning témpo tigang rahina taler nénten kalaksanayang antuk sang madruwé pepayonan punika, kadanda manùt ring pararem tur prajuru banjar wenang ngrebah / notor pepayonan punika, kamanjingang ring sang nglaksanayang manùt pituduh prajuru'
 4. Ritatkala ngebah utawi ngrabas pepayonan punika, saluiring karubuhan patut kapategenang ring sang mamuruhi.

Pawos 74

1. Sané nanggap karang désa / banjar ādat manùt pawos nem likur taru sané mágeng

kirangang ring dasa senti méter dados kadruwéyang;

2. Yéning wénten tanem tuwuh sajeroning karang punika luir ipun: kelapa, jaka, sané mautama punika dados kakingsanang salamin ipun awarsa, nanging yéning keni sukat bangunan nganutin sikut āsta kosali, utawi yéning wénten nglikadin sukat wangunan, taru punika tan dados kingsanang madasar antuk kasih kumasih sareng kalih, kasaksinin prajuru krama banjar / désa ādat;
3. Krama désa patut ngamanggehang kawerdian tanem tuwuh sané ngawinan désané asri tur lestari.

Palet 4

Wewangunan

Pawos 75

1. Wewangunan patut:

- Ha. Nganggé āsta bumi miwah gegulak āsta kosala kosali, sanistané manut ring petitis niskala;
- Na. Tan yogya nyayubin kapisaga.

2. Pradé wénten sakadi angka na ring ajeng, risampun kasadokang ring prajuru keni pemianda manùt pararem;
3. Pradé ngawun tepi sringsing wates patut wéntenang paiguman ring pangadinnya tur masadok ring prajuru banjar lan désa. Yan murub, riwekas pradé kawarah antuk pangadinnia wenang wewangunan inucap kagubar antuk sang madruwé saha tan polih pangentos prabéa;
4. Pradé ngwangun tepi siring yéning sampun polih paigum pangadinnya patut nganggén abangan tur capcapannya tiba ka jero;
5. Krama sané pacang ngwangun patut masadok ring prajuru, sadurungé polih pituduh saking prajuru dérèng dados ngwangun;
6. Krama désa nénten kedadosan ngewangun wewangunan nyolong semara sané nénten madruwé awing sakéng Guru Wisésa.

Palet 5

Wewalungan

Pawos 76

1. Sahanan warga désa sané mamiara sakaluring wewalungan patut sayaga niténin negul / nglogor mangda tan ngrusakin karang utawi pabianan krama

siosan, bilih-bilih jantos ngranjing ngeletehin kahyangan;

2. Pradé wénten sakadi ring ajeng, sang katiben patut melungguhang ring sang maderbé wewalungan, nglantur nyadokang ring prajuru désa mangda katiawakin pamidanda sakadi ring sor:

Ha. Ngwaliang wit sané karusak miwah prabéa kapocolan yéning
wewalungan ngeleb ngrusakin tetanduran, genah sané suci;

Na. Cecaron ěka sata, yéning wewalungan punika ngrusakin kahyangan
miwah genah suci, masengker salamin ipun tigang rahina;

Ca. Kapidanda manùt pararem.

Pawos 77

1. Tan kawenangan ngangon ring:

Ha. Palemahan pura Kahyangan Tiga;

Na. Pantaraning pundukan sané wénten pantunnia;

Ca. Tegal pàbianan krama siosan;

Ra. Pura pura paibon, dadia, panti, miwah genah sané sinanggeh suci;

Ka. Sawah sané madaging pamulan alit, kirang ring abulan.

2. Pradé wénten sekadi inucap ring ajeng, kadanda manùt pararem, saha

kadulurin cecaron pradé ngangon ring genah sinanggeh suci.

Palet 6

Keresikan Désa Ādat

Pawos 78

Keresikan désa ādat manūt ring Tri Hita Karana luiré:

1. Krama désa, krama tamiu, lan tamiu patut miara, ngawengku mereresik, tur ngelestariang ngawit saking baga parhyangan ngantos baga palemahan;
2. Krama désa, krama tamiu, lan tamiu sané tiwal utawi nénten tinut ring nomer siki, jaga keni pamidanda manūt uger-uger Guru Wisésa lan awig-awig Désa Ādat Penarungan.

SARGA NEM

WICARA LAN PAMIDANDA

Palet 1

Indik Wicara

Pawos 79

1. Sané wenang mawosin makadi mutusang wicara ring désa ādat inggih punika prajuru désa, sané madudonan makadi ring sor:

Ha. Kelian banjar, pradéné sang mawicara sané patunggilan banjar;

Na. Bandésa ādat / pakraman pradé sang mawicara sami-sami ring patunggalan désa, désa ādat / désa pakraman, utawi sané mawicara banjar kalawan banjar tiosan.

2. Dudonan mawosin saha muputang wicara warga désa kadi ring sor:

Ha. Kaping ajeng kabaosin antuk kelian banjar;

Na. Tan cumpu ring panepas kelian banjar katunasang ring panglingsir banjar;

Ca. Paruman banjar tan katinutin raris nunasang ring bandésa ādat / pakraman;

- Ra. Bandésa ādat / pakraman tan prasida muputang wicara sané wénten raris katincapang ring panglingsir désa sané kasinanggeh kertha désa;
- Ka. Pradé taler pamatut kertha désa tan kacumponin, katunasang ring paruman désa sinanggeh wasananing pamutus sasampuné polih tatimbang ring MADP miwah MMDP lan MUDP.

Pawos 80

1. Sahanan wicara mawiwit kacorahan sakaluiré sinanggeh nungkasin daging awig-awig, pasuara miwah pararem désa / banjar, patut digelis kabaosin tan nyantos pasadok;
2. Sajaba wicara kadi ring ajeng patut nyantosang pasadok sang nunas baos;
3. Panepasé patut pastika nyantenang iwang patut malarapan antuk tri pramana (saksi, ilikita, bukti) miwah tan maren nepék ring catur dresta.

Palet 2

Indik Bhaya lan Dusta

Pawos 81

1. Pari indik bhaya wénten bacakan panca bhaya luihé:

Ha. Jiwa bhaya, makadi kapét patinnya, kabàk, kakaninin;

Na. Ārtha bhaya, kapandangan / kamalingan;

Ca. Geni bhaya (katunuan) upami umah puun;

Ra. Ēr bhaya (blabaran), anyudang embali;

Ka. Dura cara ring āgama.

2. Sang manggihin kahanan jiwa bhaya patut nepak kulkul pamitulung tur sang mayanin keni pamidanda pangupakara sekala niskala, makadi prabéa patiba jampi, saha niskalané keni penyangaskara, manùt agung alit panca bhaya, tur patut kasukserah ring sang mawang rat;
3. Sang manggihin sahanan ārta bhaya, patut ngulkul pamitulung utawi sang kapandangan atur supéksa ring sang prajuru sané pacang nimbangin saha niwakin pamutus ring dustané:

supéksa ring prajuru désa sané pacang nandanin saha mawuwuh panyangaskara pradé wénten janma ngamaling barang sinanggeh suci;

2. Pratingkah mapailon ring dusta kabaos saruron, utawi pradé wénten jadma manggihin maling tan nyadokang ring prajuru jantos jadma sios nyaduang, patut kadanda kadi dandaning maling, makweh pangargan dandan nyané manùt cacakan dusta kamalingan nyané, tur pradé rauh ping tiga malaksana asapunika wenang kasukserah ring sang ngawiwenang;
3. Pradé wénten jadma ngarereh reramon, minakadi daun kalapa, ron, mwah sané lianan tan pasadok ring sang nruwénang, pradé kacunduk (ketara) patut kadanda kadi dandaning maling;
4. Yéning wénten jadma ngranjingin pakubon wiadin pakarangan tios ri kala suwung, mawastu sang madruwé karang kaicalan, wenang jadma inucap katuwekang antuk madéwa saksi ring pura Balé Agung. Mangda tan katuwekang manùt ring ajeng, asing-asing ngranjingin kubon jadma sios sané suwung patut:

Ha. Matengeran suara (makaukan);

Na. Nyantos sang nruwénang karang rauh utawi masadok ring pangapit pinih tampek, makabuatan pangranjingé;

Ca. Pamedal karangnya kasawénin, makacihna pangarah ri kala suwung.

Pawos 84

1. Parindikan bhaya luiré: jiwa bhaya, āta bhaya (kapandungan), dura cara ring āgama miwah sané lianan;
2. Sang manggihin kahanan jiwa bhaya, patut nepak kulkul bulus mapitulung manūt pawos kutus dasa siki, 81;
3. Pradé ring séssha kahanan jiwa bhaya, patut sésshané ngalaksanayang Bhuta Yadnya tur sang mayanin katur ring sang rumawos;
4. Pradé wénten jadma mamisuh utawi nguman uman ring paruman majeng ring jadma sios, patut keni pamidanda marupa béa pacamil kadi dandaning nguman uman ring sabha.

Palet 3

Indik Pamidanda

Pawos 85

1. Désa / banjar wenang nibakang danda ring warga sané sisip;
2. Paniwak inucap kalaksanayang olih kelian désa / kelian banjar manūt dudonan;

3. Agung alit pamidandané masor singgih manūt kasisipané. Tan maren ngupadi dharma kawelas arsan, pinih ajeng makabuatan kasuda malan désa;
4. Bacakan pamidanda luihé:
 - Ha. Danda āta miwah panikel panikelnya;
 - Na. Pangampura / nyéwaka;
 - Ca. Upakara panyangaskara;
 - Ra. Kasepékang makrama.
5. Jinah utawi āta brana pamidanda ngranjing druwén désa / banjar.

Pawos 86

1. Ritatkala pawanengan ngamedalang jinah / urunan, dedandan, yéning celled ring pawanengan risampun kalugrain témpo asangkepan, keni pamidanda nikel;
2. Risampun keni nikel, mawaneng malih kalih sangkepan taler tan nahur mawasta sang inucap danda manūt sedaging awig-awig, pasuara miwah pararem désa / banjar, wenang kasepékang makrama. Risampun kasepékang taler tan wénten usaha ngesehin solah maprewerti kéngin kararianang.
3. Pamidanda rincik 2 ring ajeng keni buntas risampun sang kakeninin:

- Ha. Nunas geng pangampura / nyéwaka ring krama désa / banjar
riantukan nguak / piwal ring pasubayan sané kararemin pecak;
- Na. Nawur pangargan tan nganutin awig-awig sané macihna ārta brana
duk pacang kararianang.

SARGA PITU

NGUWAH NGUWUH AWIG-AWIG

Pawos 87

1. Nguwah nguwhin awig-awig punika kalaksanayang antuk pararem désa;
2. Paruman inucap kadasarin antuk pakarsan krama désa;
3. Pamutus baos mangda kadasarin antuk gilik saguluk (pararem).

Pawos 88

Peparuman indik nguwah nguwhin awig-awig kadi ring ajeng kéngin kamedalang antuk kelian désa / kelian banjar yadiastun niri niri-miwah sinarengan.

SARGA KUTUS

PAMUPUT / SAMAPTA

Pawos 89

1. Awig-awig puniki kawastanin awig-awig Désa Ādat Pénarungan;
2. Awig-awig puniki kamargiang ngawit kararemin;
3. Sakaluiring sané sampun wénten sadéréngnya patut kanutang ring sadaging awig-awig puniki;
4. Sakaluiring sané durung kasurat ring ajeng patut kalaksanayang manut tata cara sané sampun ketah mamargi kadulurin antuk pararem.

Pawos 90

Kelian désa ādat ritatkala ngamargiang sadaging awig-awig muah usaha désa tan maren:

- Ha. Saeloan tur mawirasa ring sahanan prayoga sané taler ngawi wéang ring désané, umpami kepala désa miwah pakaseh;
- Na. Ngawéntenang pangala désa mangda warga désané polih ngupadi pangupa jiwa nunasang

pangweruh miwah utsaha niri niri siosan.

Pawes 91

1. Awig-awig puniki kasangkemin ring paruman duk rahina Sukra Umanis, Wuku Warigadian, Sasih Kesanga, Icaka warsa 1939, tanggal maséhi 17 Maret 2017 ring balé wantilan Pura Désa lan Puseh, Désa Ādat Penarungan;
2. Awig-awig puniki kelinggatanganin antuk bandésa, kesarengin kelian-kelian banjar ādat saha kasaksinin antuk kelian-kelian banjar dinas miwah perbekel désa Penarungan.

Prajuru Désa Ādat Penarungan

Bandésa Ādat Penarungan

I Made Widiada, SH, MKn.

Penyarikan

Ir. I Made Subawa

(1) Kelian Banjar Ādat

Dauh Peken

I Wayan Buda

(2) Kelian Banjar Ādat

Dauh Peken

I Made Water

- Ha. Sajawaning numusang ring sang ngawawenang taler pamidandané mangda kánutang ring pidaging undang undang negarané (k.u.h.p.) saha ngwaliang barang;
- Na. Pamidanda nikel pradé ngamaling lintangan ring apisan;
- Ca. Maweweh panyangkaskara, sanistané prayascita jangkep pradé ngamaling barang suci.

Pawos 82

1. Sang memanggih wénten kaenwan / blabar / anyudang embah, patut ngulkul pamitulung miwah ketedunin antuk ayahan saha gegawan sané manùt;
2. Sang duracara ring āgama macihna tri premana (saksi, ilikita, bukti) wenang sang inucap kadanda manùt perarem saha panyangaskara, sanistang prayascita jangkep.lan uger-uger Guru Wisésa.
3. Sang duracara ring āgama mekadi moha / memunyah tur ngemetuang biuta raris macihna tri premana (saksi, ilikita, bukti) wenang sang inucap kadanda manùt perarem saha panyangaskara, sanistan nyané prayascita jangkep lan uger-uger Guru Wisésa.

Pawos 83

1. Sang manggihin kahanan ārta bhaya (kamalingan), patut ngulkul mapitulung manùt ring pawos kutus dasa siki, 81, āksara ka, utawi sang kamalingan atur

(3) Kelian Banjar Ādat

Bangkiang Sidem

I Wayan Satern

(4) Kelian Banjar Ādat

Dajan Peken

I Ketut Senti

(5) Kelian Banjar Ādat

Guming

I Wayan Sura

(6) Kelian Banjar Ādat

Umahanyar

I Wayan Wijana

(7) Kelian Banjar Ādat

Sengguan

I Putu Gedé Susila

(8) Kelian Banjar Ādat

Blungbang

I Wayan Siada

Prajuru Dinas Maka Saksi

(1) Kepala Dusun / Lingk.

Dangin Peken

I Ketut Ladra

(2) Kepala Dusun / Lingk.

Dangin Peken

I Made Gedé Artha Negara

(3) Kepala Dusun / Lingk.




(4) Kepala Dusun / Lingk.



(5) Kepala Dusun / Lingk.




(6) Kepala Dusun / Lingk.



(7) Kepala Dusun / Lingk.



(8) Kepala Dusun / Lingk.



Perbekel Désa Penarungan

Camat Mengwi

Ni Wayan Kérni, SH

I Gusti Ngurah Gedé Java

Saputra, SSos. MAP

Nip: 197502071993111002

Majelis Alit
Kecamatan Mengwi

Majelis Madhya Désa Adat /
Pakraman Kabupaten Badung

I Made Widiada, SH. MKn.

Ida Bagus Anom

Murddha Pamikukuh
Bupati Badung,

I Nyoman Giri Prasta, SSos.

Telah didaftarkan dan dicatatkan pada dinas kebudayaan Kabupaten Badung.

Pada tanggal : _____

Reg. Nomor : _____

Susunan Tim Penyuratan Awig-Awig

Désa Ādat Penarungan

(Ngeparipurnayang) Awig-Awig Désa Ādat Penarungan

Penanggung Jawab	:	Bandésa Ādat Penarungan Perbekel Désa Penarungan
Ketwa	:	I Made Suka, SH.
Sekretaris	:	I Nyoman Parwata, SPd.
Bendahara	:	I Ketut Karma
Baga Baga		
1. Parahyangan	:	Drs. I Made Rasta, SH. (Koordinator) I Nyoman Ratana, SPd. Drs. I Made Rudita A.A.Ngr.Widnya, SPd I Nyoman Putra I Nyoman Mendra Drs. I Made Dasna
2. Pawongan	:	Drs. I Made Purna, MSi

(Koordinator)

I Ketut Budiada Sc

I Wayan Adnyana

I Wayan Rentet

I Ketut Suenda

I Nyoman Warta

I Ketut Oka Astawa, SH. ✓

3. Palemahan : I Putu Sadayasa, SH (Koordinator)

I Wayan Sudarsana

I Wayan Suwardana, SH

I Ketut Hartana

I Made Sugita

I Ketut Suweder

I Made Suila

Ngurah Sundyajaya

Bandésa Ādat Penarungan

I Made Widiada, SH. MKn

Lepihan,

Kawit Sejarah Désa Pendarungan.

Manut tatwa carita leluhur-leluhur, sané patut gugontuonin sahantukan kirang langkung warsa 900M. Wénten pasametonan sareng kalih, I Gusti Ngurah Putu Kamasan sareng rainé I Gusti Ngurah Ketut Kamasan, késah saking désa gélgél Kabupaten klungkung, tur mairingan ruang kirang langkung nemdasa kulawarga sareng sareng jaga ngungsi désa Sibang Srijati (Sibang Gedé Kecamatan Abiansema) raris magenah ring Tanah Ayu Blumbungan. Sasampuné, yan akudang warsa suwen nyané rombongan punika jenek irika raris kawekasipun ngrencanayang malih pacang ninggal genah, gumanti nuju ngauhang malih, aparo magenah ring genahé ring tengahing sawah sané mangkin kabaos munduk uma désa taler umariyon makadi I Gusti Ngurah Putu Kamasan sareng rain dané I Gusti Ngurah Ketut Kamasan kasarengin antuk pangiring dané magenah jumenek sané mangkin kabaos Jero Jasa (makawinan genahing sané ngawit polih yasa), genah dané tan wénten madohan sawatara wénten 700 m, raris ring genahé irika dané ngawitin ngrencanayang genah pangupapira antuk usaha mameratin raga ngawit ngardi sawah / panegalan pacang anggén nandur padi / padi jago miwah palawija.

kagenahin antuk warga dané pan andar sampun tan wénten). Semalih rain dané I Gusti Ngurah Ketut Kamasan majeroan ring daksinan sanggar tawangé (sané mangkin kagenahin antuk waris pan garing sampun tan wénten), sapunika taler pangiring-pangiring dané ngrereh genah secara masoroh-sorohan. Ring ajeng jeroan I Gusti Ngurah Putu Kamasan wénten batu lémpéh batu ageng asiki (batu aya) punika sané kanggén genah malilalingihan (lila sujana) ritatkala ngewéntenang pararem ring para pangiring nyané. Ring balér sanggar tawang kakaryanin pasar pacang anggén ngadol utawi matetumbasan sané saking bebuktian palawija wiadin bebuktian saking sawah dané, samalih kawéntenané sané mangkin kagenahin antuk Pan Jawa taler sampun tan wénten.

Nah saking iriki dané raris ngrencanayang ngwangun pura Kahyangan Tiga diastun riin antuk turus lumbung (punika genah pura Kahyangan Tiga sané wénten mangkin), samalih ipun ring samping samping linggih pura punika kanggén sawah sapunika taler panegalan, raris sésampuné polih bebuktian ipun kanggén pangaci ring kabuatan ipun siosan.

Né mangkin pangiring-pangiring sané siosan sané kantun ring uma désa miwah uma rayon meled mangda sareng-sareng ring para pasemeton-pasemeton nyané sané akéhan, mawinan magilir dané ngerauhin gumanti mangda makumpul sajeroning pasikian sareng sareng ngradi pangupapira sané mabuat gunan ipun jantos dané manggihin

kalebutan toya sané ageng, samaliha toyan ipun ning pisan, irika kasinahan toyan nyané maembah mauleng-ulengan. Sajeroning toya punika ngeliyeb ebek batun-batun nyané mangambang. Kasuwén-suwén genahé irika dados ngancan keted jantos marupa pateh ring sané siosan.

Sasampuné dané janten ring kawéntenan sané ngliangin saha mapikenoh pisan ring para pataniné punika kalebutan toyané, samaliha ngradi kawarasan utsahan dané pada sareng sami, mahawinan punika pada rarem nguwehin wasta toya arungan. Sakantune toya punika dados membahan kacarik miwah kategalan dané sané dangsah, sané rauh mangkin kabaos subak “Pendarungan”. Sapunika wit toya punika saking toya “arungan” jantos maembah kecarik miwah panegalan dané sané rata punika taler kabaos peng arungan (Subak Pendarungan).

Mungguing pasukertan pedum toya ring subak Pendarungan sakadi ring sor puniki:

Kaping siki, ngelodang:

Ha. Munduk Umariyon genah pangiring I Gusti Ngurah Putu Kamasan,
saking kalér raris ngelodang;

Na. Kakuwuban munduk Umarijasa (Jero Jasa) saking kalér raris
ngelodang / nyamping ka kiwa;

Ca. Munduk Uma Dalem saking kalér raris ngelodang mabelok
katengawan.

Kaping kalih, kelod kangin:

Ha. Munduk Uma Bucu (bucu telu) membah saking kalér raris ngelod kanginan;

Na. Munduk Uma Désa (genah pangiring I Gusti Ngurah Putu Kamasan) lantur;

Ca. Munduk Uma Gerih sané makaon ring Sibang Seri Jati.

Kaping tiga:

Munduk Uma Kaping sajeroning munduk punika sané pinih alit, sakéwanten mungguing pamargin toyan ipun pinih sengka bantengan kantengang ring sané siosan.

Asapunika selanturan ipun siosan dané saking mausaha mangda taler mapikenoh mungghahan sané patut kanggé pangupapira sareng sareng sami pada karagia ring raga. Siosan ring punika genah pasembahyangan (Kahyangan Tiga) taler dané milpilang pinaka banjar-banjar sakadi ring sor puniki:

Kaping siki : Banjar Sungguan (némangkin kabaos Banjar Sengguan).
Mawinan kabaos sapunika sahantukan dané wiakti pisan makardi genah punika mawit saking pakayunan lascarya sareng sami;

Kaping kalih : Banjar Blungbang, makawinan kabaos asapunika sahantukan saking genah punika kakaryanin belumbang mangda dados toya “arungan”

punika maembah ngelodang makawinan rauh mangkin
kasinahang wénten telabah ring sawengkon Banjar Blungbang.

Kaping tiga : Banjar Dauh Peken (sané mangkin), riin kawastanin banjar
abian sahantukan genah punika ngunin ipun genah makarya
gerabah antuk tanah lebih, kanggén payuk, paso, pané, miwah
sané siosan. Tanah punika makéhi kambil jantos genahé irika
dados tegel (mawinan mawasta abing);

Kaping pat : Banjar Dangin Peken (sané mangkin). Duk sané riin kabaos
banjar pamyuhan seantukan genahé irika sané kanggén
nglebongin gerabah utawi payuk.

Kapungkur, wekas ipun caritayang mangkin wénten pandita ngrauhin, sané
mapeséngan Ida Éndéran. Pangrauh nyané mawit saking kautus antuk Ida Dalem
Gélgél, gumanti mangda polih matemu wirasa ring dané I Gusti Ngurah Putu
Kamasan. Duk punika Ida Sang Pandita nemonin wénten ring pasar. Ida sedeng
teleb pisan munduh munduhang palispisan sané sampun ulung makacakan ring
sawengkon pasar, raris katusuk tusuk antuk duk akatih, tan dumadi duk punika
kakantenang antuk sinalih tunggil parekan, raris digelis katur uningayang ring I
Gusti Ngurah Putu Kamasan.

Ritatkala sampun katurayang indik kawéntenan tamiu punika, digelis Ida Éndéran katurin ngeranjing. Sané mangkin, sarauhing ring jerowan dané I Gusti Ngurah Putu Kamasan, Ida Éndéran digelis katurin palinggihan, raris katurin rayunan. Palispisané sané matusuk matusuk punika sané kapilpil ring pasar inuni raris kakingsanang ring rabin dané I Gusti Ngurah Putu Kamasan mangdane kabecikang ngenahang, sahantukan risampun puput pangenduwirasa punika pacang kambil malih. Risampun puput pangenduwirasané punika (yan punapi sané kabaosang) raris Ida Éndéran nunas nugraha mapamit.

Penarungan, 1 Fèbruari 1982.

T.t.d.

I Gusti Ngurah Kamasan.

Rahina puniki, Sukra Pahing Ugu.

Tanggal 28 Agustus 1987.

Kapilpil lan kaswalapatrayang antuk:

Kepala Désa Penarungan.

Kelian Désa Adat Penarungan.

AWIG – AWIG

DESA ADAT PENARUNGAN

**DESA ADAT PENARUNGAN – DESA PENARUNGAN**

KECAMATAN MENGWI – KABUPATEN BADUNG

ISAKA WARSA 1939**TAHUN MASEHI 2017**